

**Н.А. НЕКРАСОВ**



**РУС  
аёллари**



**ЗУЛФИЯ  
ТАРЖИМАСИ**

**ЎЗБЕКИСТОН ССР ДАВЛАТ  
НАШРИЁТИ  
ТОШКЕНТ 1956**





## КНЯГИНИЯ ТРУБЕЦКАЯ\*

*Поэма*

(1826 йил)

### *Биринчи бўлим*

Енгил, гўзал, шинам ва пухта  
Ясалганди чанаси жуда.

Ота-граф синааб неча йўл,  
Қилди шахсан бир ўзи қабул.

Олти нафар қўштирди тулпор  
Ва ичига ёқтириди фанор.

Ястиқларин ўзи тузатди,  
Айиқ терисини тўшатди.

Дуо ўқиб қайта ва қайта,  
Ўнг бурчакка хоч осди ота.

---

\* Княгиня Екатерина Ивановна Трубецкая сургуни қилинган эри  
Сергей Петрович Трубецкой (1790—1860) орқасидан 1826 йилда  
Сибирга бориб, ўша ерда 1853 йилда ўлган.

Лекин ҳўнграб йиғлаб юборди,  
Шу кун оқшом қизи жўнарди...

I

«Қону қардош бир бутун қалбни  
Бўлмоқдамиз икки тенг пора.  
Не қиламиз, ота, бу дардни,  
Қайғунг жонга бўларми ора?  
Бизнинг танҳо кўмакдошимиз  
Энди узоқ... Хуш қол, отажон,  
Қизингга сен фотиҳа бер тез,  
Сафаримга жўнайин шодон!

II

Дийдор кўрмоқ борми тақдирда,  
Худо билар! Умид йўқ, ҳайҳот.  
Хуш қол, лекин тутгин хотирда,  
Меҳринг дилда яшар умрбод.  
Узоқ элда унутмам асло,  
Ота, сўнгги ўғитинг мутлоқ.  
Йиғламайман, менга ҳам аммо,—  
Осон эмас сендан айрилмоқ!

III

Худо шоҳид!.. Найлайн бу чоқ,  
Яна юксак, яна ҳам мушкул  
Бурч чорлайди... Отам, алвидо!  
Қўз ёшларинг беҳуда буткул!  
Йўлим олис, йўлим серзаҳмат,  
Даҳшатлидир тақдирим менинг;  
Лекин кўксим мисоли пўлат...  
Ифтихор қил — мен сенинг қизинг!

IV

Сен ҳам хуш қол, севимли ўлка,  
Алвидо, эй бебахт ватаним!  
Подшоларга шум уя бўлган,  
Хуш қол энди, машъум шаҳарим!

Венеция, Лондон ва Париж,  
Римни кўрган сайёҳ назарин  
Кўркинг-ла ром қиласанг ҳам ҳеч  
Мен севардим сени, шаҳарим!

V

Қучоғингда кечди бахтиёр  
Ҳаётимнинг ёшлиқ ҷоғлари.  
Базмларинг севдим беғубор,  
Сайргоҳим эди тоғларинг.  
Жондан севдим оқшом онлари,.  
Мовий Неванг хуш овозини.  
Зилол қирғоқ, кўркам майдони  
Ва қаҳрамон Чавандозини...

VI

Ҳеч эсимдан чиқмас... Авлодлар  
Сўзлашарлар биздан ҳикоя...  
Сенчи, сенга бўлсин лаънатлар,  
Мен кадрилга тушган шум ҳона,  
Оҳ ўша қўл, ҳароратли қўл\*,  
Ҳамон қўлим ёқар оташда...  
Тантана қил...

• • • • • • • • • • • • ».

Осойишта, енгил ва пухта  
Чана давом этади йўлда.

Қора либос, ўликдай бетус  
Қнягиня ўлтирас ёлғиз.

Отасининг котиби шошиб  
(Савлат учун крестлар осиб),

\* Трубецкая қишики саройда берилган базмда Николай I билан танцага тушганини хотирлайди.

Хизматкор-ла олдинга чопар,  
Қамчин ўйнаб, «чул» деб жар солар.

Қолиб кетган пойтахт ортда,  
Аммо ҳали йўл олис олда.

Қаттиқ совуқ... Қнягиня ҳам  
Станция келган он, шу дам

Тушиб фармон беради ҳар гал:  
«Алмаштиринг отларни жадал!»

Новкарларни сийлайди чунон,  
Саҳийлик-ла сочади червон.

Йигирма кун йўл юриб оғир  
Етолдилар Тюменга охир.

Яна ўн кун мушкул йўл босиб,  
Енисей яқин қолганда, нолиб,

Қотиб деди княгиняга:  
«Шоҳ ҳам бундай юрмаган сира!»

\* \* \*

Олға! Фусса билан тўлди дил,  
Борган сари йўл сермашаққат.  
Орзу, ором билан кечган йил,  
Ёшлик тушга киради фақат.  
Бойлик, ҳашам! Баланд ва кўркам  
Уйи боққан Невага томон,  
Зиналарга тўшалган гилам,  
Эшигидা икки шер посбон.  
Қатта хона безатилган хўп,  
Чироқларнинг нурига чўмган.  
Музика-ю шодликка тўлиб,  
Болаларнинг базми қизиган!  
Мана, бир жуфт олтин сочига  
Қизил лента қўшиб ўрдилар.  
Гўзал гултоҷ тақиб бошига,  
Ноёб либос кийинтирдилар.  
Ота кирап нуроний, оқ соч,

Хузурига чақирап, қизин.  
«Қатя, бунча сарафанинг соз,  
Мафтун қилар ҳамманинг эсин!»  
Киз қувончи ошар минг карра.  
Кўз олдида айланади шан:  
Қўнфироқ соч, бахтиёр чехра  
Болалардан яралган гулшан.  
Ясанишган болалар гулдай,  
Улардан ҳам ўтган кексалар.  
Лента, жиға ёнади ўтдай,  
Фарчиллайди баланд пошиналар.  
Озор билмай беташвиш, беғам  
Сакраб ўйнар болалар шодон.  
Худди қушдай шўх болалик ҳам  
Учиб ўтар... Сўнг... Үзга замон,  
Үзга базм, ўзга севинчлар...  
Тушга кирап: ҳузурида тик  
Нималардир сирли шивирлаб  
Ишқ уқдирап чиройли йигит...  
Базм ортидан — базм берилар,  
Базмларнинг бекаси ўзи.  
Бунда мансабдорлар, элчилар,  
Жамиятнинг барча юлдузи...

«Жоним, недан чеҳрангда андуҳ,  
Юрагингда қандай алам бор?»  
— «Кибор оламидан ҳорди руҳ  
Юр, гўзалим, кетайлик дарҳол!»

Мана, дили сайлаган билан  
Жўнаб кетди узоқларга у.  
Кўз олдида ажойиб гулшан,  
Қадим Румо бўлар рўбарў...  
Она юртдан узиб хаёллар  
Чиқмасайдик узоқ сафарга,  
Гар бўлмаса шундай айёмлар  
Солар эдик нени хотирга?  
Зериктирувчи шимолни ўтиб,  
Учмоқдамиз жанубга томон.  
Ҳеч ким бизни олмайди кутиб.  
Эркимизга бўлмас ҳукмрон.  
Дил хушлаган дўстла шу соат,

Боримизни кўрамиз баҳам.  
Бу кун маъбад қилсак зиёрат,  
Эртасига бирон муҳташам —  
Сарой ёки музей, вайрона  
Зиёратгоҳ бўлар... Қандай баҳт  
Уйларингни танҳо, ягона  
Севганингга сўйлайсан хушвақт!

Гўзалликлар этади мафтун,  
Йўлга солар жиддий ўй, фикр;  
Тушкунликка ғарқ бўлиб бутун,  
Ватикани кезасан дилгир,  
Сени қучар ўлик бир дунё  
Ва тириклар бўлади унут.  
Лекин уни тарқ этиб, зиё —  
Тўла олам кўрганинг минут,  
Ҳайрат сени ўтар бегумон,  
Кўз олдингда жонли бир ҳаёт:  
Уста куйлар, отилар фонтан,  
Майса узра ўтлар эшак, от.

Савдо-сотиқ қизиб бозори  
Минг оҳангда солинади жар:  
Қелиб қолинг, садафнинг сози,  
Бор яхдак сув, чифаноқ, гавҳар!  
Тўйса жаннат кўриниб дунё,  
Рақсга тушар оч-яланғочи,  
Кампир ўтар қўйиб зўр бино  
Румо қизин қоп-қора сочин.  
Борган сари ортар ҳарорат  
Ва қора халқ шовқун солади.  
Сен излайсан кўланка, роҳат,  
Маъбад паноҳига олади.

Тирикчилик ташвиши узоқ,  
Бунда яшар ҳаловат, ором.  
Яна юрак жиддий ва қайноқ  
Хаёлларга бўлар шу он ром.  
Шифтларидан авлиё, малак,  
Фаришталар сурати боқар.  
Мармар девор... Оёқ ости нақ  
Ҳақиқ асл тошлардан ёнар...

Қандай гўзал денгиз шовқуни,  
Соатларча ўтирасан лол.  
Руҳинг енгил, ўйлар тўлқини  
Мавж уради онгда бемалол...  
Кўрингунча уфқда офтоб  
Сўқмоқ йўлдан чиқасан тоққа —  
Нақадар соз, зумрад тонг! Шу тоб  
Тоза ҳаво олар қучоққа.  
Жануб кунин иссиғи ортар,  
Майсаларда ёнмайди шабнам.  
Шамсиядай дарахтлар тортар  
Соясига — юр олайлик дам!..

Жануб берган гўзал хотирот  
Юрагига солган чуқур из.  
Сайру суҳбат, ишқ тўла ҳаёт  
Унут бўлмас умрда ҳаргиз.  
Княгиня топалармикан  
Ўтмишнинг у орзу хаёлин,  
Сўнгра тутиб қололармикан  
У кунлар-чун тўккан кўз ёшин!..  
Фойиб бўлди у дилхуш рўё...  
Тангри ўзи унуган дунё  
Манзараси кўзи олдидан  
Саф-саф бўлиб ўтарди гўё:  
Мана хўжа, золим, бешафқат,  
Ана меҳнат буқчайтган деҳқон.  
Бирисига ҳокимлик одат,  
Иккинчиси — муте қул инсон.  
✓ Даля, чаманларни яшнатган  
✓ Оч бурлаклар кирап тушига.  
Волга бўйин оҳ-зори тутган  
Оч бурлаклар кирап тушига.  
✓ Даҳшатларга юраги тўлиб  
На таомни билди, на уйқу.  
Ҳамроҳини саволга кўмиб  
Ошиқарди билмакликка у:  
«Сўйла, наҳот бор ўлка шу хил,  
Тўқлиқдан йўқ заррача нишон?»  
«Очлар, қуллар юртидир бу эл!»—  
Жавоб қилди ҳамроҳи шу он...

Уйғонди — туш ўнг келди, ҳайҳот!.  
 Тангрим! Нима жаранглар унда!  
 — Күчер, тұхта, отларни тұхтат,  
 Кишанларнинг зори бор бунда!  
 Ох, маҳбуслар тұдаси ўтар!..  
 Юрагини сиқиб дард, азоб,  
 Княгиня пуллар узатар.  
 «Раҳмат, оқ йўл!» бўлади жавоб.  
 Сўнгра узоқ-узоқ вақтгача  
 • Хотирида қолар юзлари.  
 Ўларини қуволмас асло,  
 Зарра юмилмайди кўзлари.  
 «Балки эрим ўтгандир бундан?..  
 Бу даргоҳда йўқдир ўзга йўл...  
 Изларини бўронлар кўмган,  
 • Тезроқ ҳайда, ямшчик, илдам бўл!»

\* \* \*

Қақшатади совуқ... Чўл, яланг  
 Кетган саринг шарқ томон узоқ.  
 Уч юз чақрим йўл босиб аранг  
 Учратасан шаҳар ё қишлоқ.  
 Қоп-қорайиб турган уйларга  
 Қувонч тўла ташлайсан назар.  
 Лекин эли кетган қайларга,  
 Итлари ҳам кезмас дарбадар?  
 Қиши барчани уйларга қувган,  
 Чойхўрликдир ягона эрмак.  
 Солдат, йўлчи кечар, узоқдан  
 Занг уради курант ҳам бирдай.  
 Дарчаларнинг ойнасида муз,  
 Жомеда бир милтирас чироқ,  
 Қамоқхона ҳўмраяр ёлғиз.  
 Ямшчик силтаб қамчисини тезроқ —  
 Ҳайдар.... Учиб шаҳардан нишон,  
 Энг сўнгги уй бўлади ғойиб.  
 • Ўнгда дарё, тоғ, тунги осмон,  
 Сўлда ўрмон ётар қорайиб...

Уйдан ақл гантиган, хаста,  
 Уйқу бермас хаёллар бироқ.  
 Дилда ҳасрат, ўй ҳар нафасда

Олмошинар чақмоқдан тезроқ:  
Княгиня гоҳ ёру дўсти,  
Гоҳ тюрьмани кўрар дафъатан.  
Худо билар, недир боиси  
Ўйлаб кетди шу ҳолни бирдан...  
Ўйлади у: юлдузли осмон  
Қум сепилган саҳифа фақат.  
Ой-чи — қизил сўргич босилган  
Юм-юмалоқ муҳирдир албат...

- Тоғлар ортда қолди. Уфққа
- Туташ кенглик йўқдир поёни.  
Ҳаёт оти ёт бу тупроқда
  - Учратмайсан ўсган гиёни.  
«Тундра шу!» — қилади баён
  - Ямшчик — саҳро арслони бурят  
Княгиня тўниб нигорон,  
Аlam ичра ўйлар шу соат:  
Келар ҳасис ва очкўз инсон  
Шу ёқларга олтин ахтариб.  
Олтин ётар дарёда пинҳон,  
Ботқоқликлар тубига кириб.  
Дарёлардан олмоқлик маҳол  
Саратонда ботқоқлик мудҳиш.
  - Баттарроқдир ер остида ҳол,  
Яна оғир кондаги қул иш.  
Унда ҳоким қабр тинчлиги,  
Қилча нур йўқ қоронғу, зулмат.  
Лаънат бўлсин о, қуллар эли,  
Нечун сени кашф этди Ермак?»

\* \* \*

Навбати-ла секин чўқди тун,  
Кўк юзига яна ой болқди.  
• Княгиня ухламай бу тун  
Оғир хаёл қўйнида оқди.  
Кўзи кетди.: Боз қучди рўё:  
Гўё тураг қалъа бошида.  
Кўз олдида шаҳри муҳайё,  
Ҳаёт қайнар ичи-тошида.  
Улкан ва кенг майдони сари  
Чопишади сўнгсиз оломон:

- ✓ Мансабдори, доп, савдогари,  
Жарчилари шошар шу томон.  
Турли-туман шоҳи ва бахмал  
Чакман, пўстин кийганлар юрар,
- ✓ Майдондаги полкларга жадал  
Янги полклар келиб қўшилар.  
Йиғилишган мингдан ҳам зиёд
- ✓ Солдат «ура!» қичқирап бот-бот.

Гоҳ шовқунлар, гоҳи эснар халқ,  
Ниманидир кутар бариси.  
Не воқиа юз берар — бефарқ,  
Аранг англар юздан бириси...

- ✓ Лекин кулиб мийифида гоҳ
- ✓ Француз, пойтахтили сартарош
- ✓ Кезар, айёр югуриб нигоҳ,  
Бўронларга әди у йўлдош\*...

Полклар етиб келиб, полкларга:  
«Таслим бўл!» деб қиласи хитоб.  
Таслим сўзи ётдир мардларга,  
Найза билан ўқ бўлар жавоб.

- ✓ Кирарап даҳшат солиб шу маҳал
- ✓ Бедов отда жасур генерал,  
Учиришар отнинг устидан.  
Яна бири келиб яқинроқ,
- ✓ Дейди, «Айбингизни ўтди шоҳ!»  
Ўлдиришар уни ҳам тездан.  
Бир қўлда хоч, бир қўлида туғ  
Митрополит бўлар намоён:
- ✓ «Тавба қилинг, ёронлар, улуғ  
Шоҳимиздан тиланглар эҳсон!»  
Чўқинишиб тинглашар сўзин
- ✓ Ва сўнг иноқ қилишар хитоб:  
«Бизни алқаб, жўнаб қол секин,  
Не бор сенга, чол, бунда шу тоб!»

Шундан сўнгра тўғриланиб тўп,  
Подшо ўзи буюрар: «Оч ўт!..»

---

\* «Бўронга йўлдош» 1789 йилги француз буржуа революциясининг шоҳиди дейилмоқчи.

Қнягиня кетиб ҳушидан,  
Йиқилади қалъа устидан.

- Кўз олдида узун, қоронғи,  
Моғор босган ер ости йўлак.  
Ҳар эшикда туради соқчи,  
✓ Ҳамма эшик қулғ тақа-так.  
✓ Худди тўлқин шовлаши мисол  
Овоз келар ташқи томоидан.  
Ичкарида жаранглаб қурол  
Ярқирайди ёнган фонардан.  
Эшитади қадамлар сасин,  
Гулдирашин тинглайди узоқ  
Ва соатлар уради зангиң,  
Бақиришар соқчилар айғоқ...
- ✓ Шунда оқсоқ, мўйловдор бир чол  
✓ Келар, қўлда бир ёнда калид.  
«Юр мен билан, эй шўрли аёл. —  
✓ Дейди секин. — Бўлма ноумид.  
У саломат, тирик, безарар,  
Олиб борай, юр, ҳузурига...»  
Ишонч, имон бир дунё қадар  
Қнягиня тушди йўлига.
- Йўл юришар узоқ... Ва сўнгра  
Фарчиллайди эшик. Шу замон —  
Пайдо бўлар у... Тирик мурда,  
Кўз олдида азиз, жонажон!  
Кўкрагига босиб юзини,  
Қнягиня сўрарди такрор:  
«Ололаман сенинг ўчингни,  
Нима қиласай, айт! Қудратим бор!
- ✓ Томиримда кезар жасорат,  
Пок кўксимда ишқим яшайди!..  
✓ Ёлборайми?..» — «Борма, муҳаббат  
Жаллод дилин юмшатолмайди!» —  
«Оҳ жонгинам! Сен ёелар дединг,  
Эшитмадим сўзларингни, оҳ!  
Гоҳ бу машъум соат урап занг,  
Шум соқчилар қичқиришар гоҳ!..

Уртамиизда буларга не бор!..»  
— «Саволларинг, азизим, маъсум»...

— «Муддат битди. Айрилмоқ даркор!»  
Деди ўртадаги шу машъум...

\* \* \*

✓ Княгиня қаттиқ чўчиdi,  
Атрофига қаради хомуш.  
Музлатарди даҳшат дилини,  
Кўрганлари бари эмас туш!..

- ✓ Ой сузади осмон аршида  
На кўрки бор, на сочар шуъла.  
Қора ўрмон ётар чапида,  
Тўлғанади Енисей ўнгда.  
Зулмат! Олда кўринмас бир жон,  
Ямшчик мудраб эгарда ухлар.
- ✓ Оч бўрилар ўрмон ортидан,  
Юракларни тимдалаб увлар.  
Дайди шамол гувлар дарёда,  
Сув кўксини уриб кетади.  
Кимдир бирор узоқ-узоқда,  
Ёт бир тилда қўшиқ айтади.
- ✓ Мардлик шавқ-ла янграйди равон.  
Жарангловчи бегона шу тил,
- ✓ Бўронзада чафалоқсимон  
Юракларни қилади чил-чил.  
Княгиня жунжиди... У кеч  
Қаттиқ совуқ қақшатарди жон,  
Хорғин, чарчоқ танасида ҳеч
- ✓ Курашмакка қолмади дармон.  
Етолмасман, дейди, манзилга —  
Тушунчаси даҳшатга маҳкум.  
Қистамайди отларни нега —  
Ямшчик қўшиқ айтмай қолди жим?  
Олдда борган тройка ғойиб...
- ✓ «Тирикмисан, ямшчик, сезгир бўл!  
Жимсан, фафлат келдими ғолиб!?
- ✓ — «Қўрқманг, эски ошнадир бу йўл...»

Учадилар... Музли ойнадан  
Кўринмайди теварак атроф.  
Оғир тушни қувар миядан,  
Қилолмайди, аммо, бартараф.  
Хаста аёл иродасини  
Бир нафасда туш этар мафтун  
Кўчиради сеҳргар каби,  
Уни ўзга оламга бутун.  
Ўзга олам — унга ошно,  
✓ Аввалгидай баҳш этар ҳузур,  
✓ Эрка тўлқин, майин, хуш ҳаво.  
✓ Ерқин қуёш сочиб илиқ нур  
Қаршилайди мунис дўстсимон...  
Қайга боқса шу бўлар такрор:  
«Бу ер — жануб! Бу — жануб томон!»  
Нигоҳлари тўнар баҳтиёр...

---

Булутсиздир зангор осмони,  
Водилари чечак қўйнида.  
Саҳий қуёш сочар зиёни...  
Бутун тоғ, тош, сув ўйинида  
Бир қудратли кўрк, чиройдан из,  
Шодиёна бутун тупроқда.  
Унга қуёш, чечак ва денгиз  
Куйлар яккаш, «Сен жануб ёқда!»

Тизма тоғлар ва мовий денгиз  
Ора чўккан водий устидан  
Княгиня учар қушдан тез,  
Дил танлаган эркаси билан.  
Пойнодзидир чиройли боғлар,  
Дараҳтларнинг томар шарбати.  
Шоҳларида мевалар порлар  
Қизил, пушти, заъфар, новвоти.  
Яшил барглар ора кўринар  
Кўм-кўк осмон, сувнинг зилоли.  
Денгиз бўйлаб сузар кемалар,  
Елканлар-ла ўйнар шамоли.  
Узоқларда кўринган тоғлар  
Фойиб бўлар осмон кўксига.  
Қандай ажиб тоғда бўёқлар!  
Ҳозир эди ёқут тузида,

- Энди қорли чўққилар бутун  
 Олмос каби сочади учқун...  
 Мана, борар юқ ортган хачир,  
 Тақинчоғи гулу қўнғироқ.  
 Орқасидан борар ёш хотин  
 Қўлда сават, бошида гултоҷ.  
 Хотин дейди уларга: оқ йўл!  
 Тоза, маъсум, чиройли кулиб,  
 Қучоғига ташлар даста гул:  
 Бу ер — жануб! О, бу ер жануб!  
 ✓ Бу — қоратўр юонон қизлари!  
 Ва сарғаймас гуллар ўлкаси...  
 Ана! Нафис куй овозлари...  
 ✓ Жим! Энмақда тун музикаси!..
- ✓ «Бу эл жануб! О, бу ер жануб!  
 (Унга куйлар шу баҳтиёр туш.)
- ✓ Яна ҳамроҳ ўзинг севган дўст,  
 Яна озод, мисоли ҳур қуш!..»

### *Иккинчи бўлим*

Осойишта, енгил, мустаҳкам,  
 Чана тинмай тун-кун мунтазам —

Икки ойга яқин босди йўл,  
 Лекин ҳамон олдинда йўл мўл.

/ ✓ Иркутскка қолганда яқин,  
 Хаста, ҳорғин кўрди ҳамроҳин.

Базўр кутди икки кун. Сўнг тез  
 Княгиня жўнади ёлғиз...

Иркутскда княгиняга  
 Пешвоз чиқди шаҳар ҳокими.  
 Суяқдай қоқ, таёқдай тикка,  
 Соч-соқоли оппоқ қор каби.  
 ✓ Хиёл очиқ пўстин кўксидан  
 Кўринарди мундир, крестлар.  
 Бошидаги қалпоқ устида  
 Хўроз пати майин ҳилпирад.

Не учундир сўкиб ямшчигин  
Княгиня томон у шоши  
Ва чананинг кичик эшиггин  
✓ Унинг ўзи иззат-ла очди.

### Княгиня

✓ (Бекат хонасига киратуриб)

✓ Нарчинска! Отлар қўшилсин!

### Губернатор

Атай сизга чиқдим мен пешвоз.

### Княгиня

✓ Фармон беринг, талабим бўлсин!

### Губернатор

Утинаман, сабр этинг бир оз,  
Йўлларимиз хийла мушкулроқ.  
Дам олмаклик сизга фарз, зарур.

### Княгиня

Манзилимга қолмади узоқ.  
Етоламан. Беҳад ташаккур!

### Губернатор

✓ Ҳар на деманг, саккиз юз чақирим,  
Княгиня, йўл оғир даҳшат.  
Бундан буёқ одимма-одим  
✓ Ортар йўлда хавф-хатар, заҳмат.  
✓ Икки оғиз сўз айтмакни дил  
Хамда бурчим қилар тақозо.  
Мен графнинг роса етти йил  
Хизматларин келтирдим бажо.  
Бу — саодат! Отангиз мумтоз  
Ақли ва зўр қалбнинг эгаси.  
Миннатдорлик ва комил ихлос  
Билан энди умрим ҳаммаси  
Қизларининг амрига тайёр.  
✓ Бу содиқ қул кутади фармон!

## Қ н я г и н я

Даркор эмас, ҳеч нарса зинҳор.

(Даҳлиэ эшигини очиб)

Тайёрмасми чанамиз ҳамон?!

## Г у б е р н а т о р

Бўлмагунча мендан бир буйруқ  
Бермайдилар отларни сизга.

## Қ н я г и н я

Фармон беринг! Сўрайман, вақт зиқ.

## Г у б е р н а т о р

Бир чигал бор... Шу кунлар бизга  
Юборилмиш сўнгги почтадан  
Қоғоз...

## Қ н я г и н я

Қандай, унда бор не сир,  
Қайтмоғим даркордир йўлдан?!

## Г у б е р н а т о р

Бали, мақбул, энг тўғри тадбир.

## Қ н я г и н я

Ким юбормиш, не ҳақда? Отам  
Кузатди-ку ўзи сафарга?!  
Ҳазилими, ёки чинакам?  
Ким отамни қиласка?

## Г у б е р н а т о р

Тасдиқлашга қилмайман журъат.  
Лекин манзил олис ва оғир.

## Қ н я г и н я

Нега даркор, сафсата, бу гап,  
Бўлмадими от йўлга ҳозир?!

## Губернатор

- Йўқ мен ҳали фармон бермадим,  
Княгиня, бунда мен султон.  
Хўш... Ўтиринг! Мен ҳали дедим,  
✓ Отангизга эдим қадрдон.  
Гарчанд граф... Сизнинг сафарга  
Марҳамат-ла берди ижозат.  
Жўнашингиз бўлди зўр зарба...  
✓ Уйга қайтмоқ соз бўлур фоят.

## Княгиня

- Йўқ, йўқ, бир йўл қилдимми қарор,  
✓ Бажармайин тинмайман зинҳор.  
✓ Отамни мен, мени нақадар  
✓ Отам севар, барини изҳор  
✓ Этмоқлигим сизга не даркор.  
Яна юксак, яна муқаддас  
✓ Бурч чорлайди, қилмасдан абгор  
✓ Отлар беринг менга шу нафас...

## Губернатор

Барисига етади ақлим,  
Сизга қиммат ҳар бир дақиқа.  
Аммо сизга аёнмас балким,  
Олдда кутар қандай саҳифа?  
Беҳосилдир бизнинг бу қитъа,  
Сиз борар ер ундан ҳам қашшоқ,  
Баҳорининг ҳаёти қисқа,  
Қаҳратони узундаң-узоқ.  
Бали, йилнинг саккиз ойи қишиш,  
Наҳот сизга маълуммас ахир.  
Тамғасиз бир инсонни топиш  
Унда маҳол. У ҳам тошбагир.  
Атроф тўлиб дайдиб кезади  
У ерларда қочқинлар фақат.  
Маъдан конлар жаҳаннам таги,  
Маҳбусларнинг ҳаёти даҳшат.  
Эрингиз-ла рўбарӯ туриш  
Бир нафас ҳам бўлмайди насиб:  
Казармада қарииди турмуш  
Квас ичиб, тюрьма нонини еб:

Беш минг сургун тўйиб жонидан  
Кун ўтказар яниб тақдирин,  
Жанжал бошлаб ётган жойидан  
Улдиришар тунда бир-бирин.  
Суд қилишар шаддод, бешафқат,  
Жаҳонда йўқ ундан мудҳишроқ.  
Княгиня, барига шоҳид  
Бўлиб яшаш муносиб, наҳот?  
Тополмайсиз унда лутфикор,  
Хеч ким сизга қилмас раҳм, шафқат.  
Эрингизчи, банди гуноҳкор,  
Нечун у деб чекасиз захмат!

### К н я г и н я

Қўрқинчлидир, биламан аммо  
Қўрар куни менинг эримнинг.  
Уникидан бўлмасин аъло,  
Майли, қолган ҳаётим менинг!

### Г у б е р н а т о р

Сиз у ерда кўрмайсиз ҳаёт,  
Иқлим сизни қилар жувонмарг.  
Үқдирмоғим фарз эрур ғоят,  
Зинҳор-зинҳор бу йўлдан борманг  
Тавба! Наҳот ўша мамлакат  
Лойиқ бўлса қадамингизга.  
Оғзингиздан чиққан буғ шу пайт  
Айланади қор билан музга!  
Зулмат, совуқ йил бўйи ҳоким,  
У ерда ёз кўрмайди умр.  
Ботқоқликдан бурқиб бетиним,  
Кўтарилар заҳарли ҳовур.  
Юз кечаю кундуз қоронғу  
Чулғаганда еру осмонни,  
Шум ўлқадан ҳаттоки қўрқув  
Ичра қочар ўрмон ҳайвони...

### К н я г и н я

Яшайди-ку, инсон у юртда,  
Ўрганарман мен ҳам bemalol.

## Губернатор

Бу яшашми? Ёшлигингизни..  
✓ Азиз қизим бир ёдга олинг!  
Бунда она қиз туққан замон  
Чўмилтирас қорнинг сувига  
Ва гўдакни угуллаб бўрон  
Аллалайди туни бўйига.  
Ўрмон тўлиб ҳайвон бўкириб,  
Уйготади уйқудан уни.  
Эшик қоқар шамол қутириб,  
Алавистидай қоронги туни.  
Кезиб тўқай, чўлу саҳрони  
Насибасин шундан қидирар,  
Бу ўлканинг ерли инсони  
Табиат-ла жангда чиниқар.  
Сизчи?..

## Княгиня

Майли ўлим ёзиқ қисматда,  
Хеч нарсага йўқдир илинжим.  
Жўнамогим фарз шу фурсатда,  
Ҳузурида жон бераман жим.

## Губернатор

Лекин сиз жон беришдан аввал  
Зўр азобга келасиз дучор.  
Мангу етган бошига завол,  
✓ Энди унга сиз берманг озор.  
Ўтинаман, борманг у ёқقا.  
Осонроқдир танҳо бермак дош,  
Оғир меҳнат етиб суюкка  
Хорғин қайтиб ўша қайғудош  
Тюрьмасига келиб чўзилур.  
Қаттиқ нон еб уйқуга кетар.  
Борди-ю туш баҳш этса ҳузур  
Маҳбус ўзин султон ҳис этар.  
У, орзулас қанотларида  
Учар дўсту қардош, сиз томон.  
Уйғонади меҳнат тонгида  
Руҳи тетик, дили беисён.  
✓ Борсангизчи?.. Унинг-чун бутун

▀ Ширин хаёл бўлар бегона.  
Сизнинг тўккан кўз ёшга, ўзин  
Гуноҳкор деб билар ягона.

### К н я г и н я

Хаҳ! Бу сўзлар барини асраб,  
Ўзга учун қилинг эҳтиёт.  
Бу сиз берган азоблар қатра  
Қўзларимдан оқизолмас ёш.  
Этмак учун бурчимни адо  
Мен юракда қилиб аҳд, паймон,  
Эл, юрт, азиз отамдан жудо  
Шошарканман севганим томон,  
Наҳот кўз ёш олиб бораман,  
Унинг мудҳиш тюръмасига, ҳеч!  
Фурурини сақлаб қоламан,  
Бағишлийман томирига куч.  
Нафрат зўрдир жаллодимиизга,  
Ҳақлигимиз қилганмиз шуур.  
Шунинг ўзи зўр таянч бизга!..

### Г у б е р н а т о р

Гўзал хаёл, ажойиб ғурур!  
Бу хаёллар беш кунлик фақат,  
Бир умрга чекмайсиз-ку ғам?  
Сўзларимга ишонинг, албат  
Ҳаёт тусаб қоласиз сиз ҳам.  
Бунда қаттиқ нон, тюрьма, таъна,  
Мұхтожлиг-у, мангалик зулм.  
Унда ҳурлик, ҳурмат, дабдаба  
Ҳашаматли сарой ва базм.  
Ким билади? Тангрига маълум,  
Бир кимсага берасиз кўнгил.  
Қонун сизни қилмаган маҳрум...

### К н я г и н я

Бас, ё раббий! Нақадар разил!

### Г у б е р н а т о р

Ошкор этсам фикримни аён  
Жамоатга қайtingиз тезда.

## К н я г и н я

Кўп ташаккур, ташаккур, эҳсон,  
Олий жаноб ўгитингизга.  
Жаннат эди бир вақтлар у жой  
Ўхшар эди гўзал рўёга.  
Фамхўр қўли билан Николай  
Айлантириди тақири саҳрона.  
Тириклайн чирири инсон жим,  
Ер юзида юрган мурда ул.  
Эркаклари бир тўда хоин,  
Аёллари муте аянч қул.  
Не топардим у ердан? Риё,  
Таҳқирланган номус ва ифлос  
Мурдорликнинг безбет, беҳаё  
Тантанаси ва разил қасос?  
Йўқ! Кесилиб кетган ўрмонга  
Мени тортмас ҳеч нарса унда.  
Бир чоғ бошин чўзган осмонга  
Дублар қулақ, қолгандир кунда.  
Қайтиб бормоқ? Фитнаю, бўҳтон  
Машъум ишлар ичра әгмак бош.  
Бир бор кўзи очилган инсон  
Унда топмас паноҳ ва йўлдош.  
Йўқ! Кўргим йўқ уларни асло,  
Караҳт, бефаҳм сотқиндир бари.  
Эзгулик, ишқ, ҳурлик жаллодин  
Таъқибидан бўламан нари.  
Гуноҳидан ўтиб рақибим,  
Севгучимни қиласай фаромуш?

## Г у б е р н а т о р

Ўйлаб кўринг! Ахир жон қизим!  
Ташламоқни у билди-ку хуш.  
Нечун уни севмак, оҳ-фиғон?

## К н я г и н я

✓ Бас, генерал, жим бўлинг бир зум!

## Г у б е р н а т о р

Томирингизда жасоратли қон  
Кезмасайди бўлардим мен жим.

Ҳеч нарсага этмайсиз бовар,  
Олға қараб қоқасиз қанот.  
Балки сизни ор сақлао қолар,  
Гуруурингиз бағишилар ҳаёт...  
Сиз-ку унга ақл, донг, бойлик,  
Бокира қалб қилдингиз тортиқ,  
Хотинимнинг не кечар ҳоли,  
Демади у, ақалли! Ортиқ  
Бўш ҳулёлар ортидан кетди,  
Шу қисматга бўлиб мубтало.  
Сизчи, унинг изидан энди,  
Чопмоқдасиз гўё қул, гадо.

### Қ н я г и н я

Йўқ! Эмасман, ожиз қул асло,  
Мен аёлман, хотинман, хотин.  
Аччиқ оғир қисматим, аммо,  
Унга содиқ бутун ҳаётим.  
Оҳ, ўзга бир хотин туфайли  
Унутсайди эрим бу замон,  
Топар эди қалб кучи майли,  
Унинг қули бўлмасга имкон.  
Мен биламан, танҳо рақибим  
Ватанига бўлган муҳаббат.  
Керак бўлса, севгувчи қалбим,  
Такрор-такрор афв этар албат!..

\* \* \*

Қнягиня тугатар... Ҳорғин  
Жимир бирдан ўжар генерал.  
— Беринг фармон — дер аёл тағин —  
Чанага от қўшсинлар дарҳол!  
Бу талабнинг адоси оғир,  
Ерга қараб қолар чол узоқ.  
Хайрлашиб генерал охир,  
Чиқиб жўнаб қолади шу чоқ.

\* \* \*

Давом этди эрта ҳам шу ҳол,  
Эшитгани бўлди насиҳат.  
У, мұтабар кекса генерал  
Умидларин барин этди рад.

На ёлвормоқ, нада эътиқод  
Зарра келолмади кўмакка.  
✓ Ҳорғин, лекин мағрур, сервиқор  
Юрди уйда у ёқ-бу ёққа  
Ва сўнг деди: «Афсус, мен кутиб  
Сизни хэлос этмакди бурчим.  
Ушутмангки, бу йўлни тутиб,  
Борингиздан бўласиз маҳрум!»

Йўқотгудек менинг нимам бор?!

«Эр изидан қилмоқ-чун парвоз  
Имзо чекиб давлат, эътибор,  
Ҳақ-ҳуқуқдан кечажаксиз воз!»

Бу сўзларнинг тошдай ботишин,  
Кутган эди генерал жаноб.  
Мудҳиш оташ каби ёқишин  
Кутган эди. Шу бўлди жавоб:  
«Бошингизда сочингиз оппоқ,  
Қилиғингиз боладан баттар.  
Бизга вафо қилмайди ҳеч чоқ  
Сиз атаган улуғ ҳуқуқлар.  
Йўқ! Зарра йўқ, мен учун қадри,  
Олинг, кечдим баридан шу он.  
Чекай имзо, у ҳужжат қани,  
От қўшишга сиз беринг фармон!»

### Губернатор

Имзо чекмак бундай ҳужжатга!  
Сизга нима бўлди? Ё раҳмон!  
Бу демакки, бутун давлатга:  
Отангиздан ўтмиш мәл, унвон,  
Бир кун умри бўлганда адо  
Қолдиргуси мерос, ҳақ, маҳр  
Барисига демак алвидо!  
Қашшоқ бўлиб кўрасиз умр!  
Зодагон деб атамас ҳеч ким,  
Бутун мулкдан бўласиз жудо.  
Йўқ, чуқурроқ ўйланг, мен кетдим,  
Яна қайтиб келаман аммо.

\* \* \*

Лекин қайтиб келмади шу кун...  
Тун ер узра ёйганда чодир,  
Княгиня бемадор, сўлғин,  
Чол томонга жўнади охир.  
Генерални дедилар бетоб,  
Хўзурига киролмади у.  
Тузалгунча ҳасрату азоб  
Ичра кечди беш кун серқайфу.  
Кириб келди у, олтинчи кун,  
Этди кескин фикрини изҳор:  
«Қнягиня, менда сиз учун,  
От беришга йўқдир ихтиёр.  
Буюраман, этапга қўшиб  
Йўллайдилар сизни у элга.

### К н я г и н я

Ё раб, ахир ой-йиллар ўтиб  
Мен етаман қачон манзилга?

### Г у бер на т о р

Холингизни йўл қилмаса танг,  
Нарчинска етасиз кўклам.  
Соатига тўрт чақирим аранг  
Боса олар кишанбанд одам.  
Бир дам тўхтаб олар қиёмда,  
Кун ботганда — қўяр тошга бош.  
Довул кўчса чўл биёбонда  
. Бурканади қорга мисли тош.  
Судралишга бўлмас ниҳоя,  
Бири оғрир, йиқилар бири.

### К н я г и н я

Англолмадим, сиз демиш боя  
Этап деган сўзнинг таъбирин?

### Г у бер на т о р

Бу — ашаддий ўфри, бош кесар,  
Кишанланган маҳбус галаси.  
Яроғ тутиб кузатиб кетар,  
Қазакларнинг бераҳм бандаси.

Қочмас кўзни қилиб шамғалат,  
Бир арқонга боғланган бари.  
Бошда яроғ яроқлар бот-бот,  
Сургалади занжир сингари.  
Этап — турган-битгани оғу,  
Йўлда ҳалок бўлар неча жон.  
Этап тузиб жўнатасан-у,  
Конга ярми етмайди омон.  
Улим топар бир пашша мисол,  
Бу даҳшатнинг қишида йўқ тенги.  
Наҳот сизга муносиб шу ҳол,  
Киягиня, қайтинг сиз энди!

### Қ н я г и н я

Оҳ бас! Сиздан кутгандим буни,  
Сиз... Сиз ёвуз! Бу қандай риё!  
Ўтиб кетди бир ҳафта куним,  
Одамларда шафқат йўқ асло!  
Айтмадингиз нечун бир йўла,  
Кетган бўлар эдим у нафас.  
Фармон беринг, йифсинлар тўда,  
Менга фарқсиз, тез жўнасам бас!

### Г у б е р н а т о р

Йўқ! Чанада борасиз албат,—  
Қичқирди-ю генерал шу вақт  
Қўли билан ёпди кўзларин.  
«Сизга шунча бердим мен азоб,  
(Панжа ўта оппоқ мўйлабин  
Ювар эди кўз ёши шу тоб.)  
Афв этасиз, қийнадим, лекин,  
Азоб чекдим ўзим ҳам ёмон.  
Йўлингизга ғов қўймоқ учун  
Олган эдим мустаҳкам фармон.  
Қанча ғовни қўйдим кетма-кет,  
Мен кўрмаган қолмади чора.  
Елғиз улуғ тангридир шоҳид,  
Ҳақ олдида виждоним тоза.  
Сургундаги ҳоким очликдан,  
Эркин нафас бегона ҳаёт  
Ва этапнинг даҳшатга тўлган  
Қул меҳнатин тасвиirlаб аён,

Қўрқитмоқчи бўлдим мен сизни,  
Билмадингиз қўрқувни асло!  
Кечмасинлар гуноҳимизни,  
Майли бошим танамдан жудо  
Бўлсин. Ортиқ бермайман азоб...  
Истамайман қилмакни ситам.  
Етказаман уч кунда шитоб.  
(Эшикни очиб қичқиради)  
Ҳой... Қўшинглар отларни илдам!..

1871

### *Хотима*

Ким унутар у машъум йиллар тарихин!  
Ёт элларга бадарға эрлар изидан —  
Қетган шонли хотинлар ажиб таърифин...  
Сен у давр фожиасин кечир кўзингдан!  
Эзгу ботирликлари юксак, беғубор,  
Қувғинларга паноҳкор париштасимон  
Таянч, қудрат, куч бўлиб ўлмас, вафодор —  
Оғир кунда бўлишди шулар намоён.  
Балки ҳали қиссамиз қиласмиз давом  
Эл-юртдан кўнгил узиб қорли чўлларда  
Ўлганлар хотираси ўчмайди тамом,  
Мадҳ этилур бир ҷоқлар ўлмас куйларда.  
На қадар жозиб, гўзал сиймолар! Инсон  
Қўрганмикан ҳеч қачон бирон элу юрт  
Тарихида бу сифат кўркни бир замон!  
О, бу номлар тарихда бўларми унут!  
Келажак шоирлари унутмас асло!  
Тақдирини биз таъриф этган мард аёл  
Баридан ҳам ёрқинроқ порлайди аммо.  
У, мудҳиш тюрьма йўлин ўтди безавол.  
Шафқат билмас одамлар рақобатлари  
Йўлларига кетма-кет ғовлар ташлади.  
Сололмади дилига ҳеч қўрқув-даҳшат.  
Баридан ўтди илик бор шу ёш жасорат.  
Ўзгаларга ботирлик учун очди йўл,  
Қаҳрамонлик, шарафга даъват этди ул!

1872

**К Н Я ГИ Н Я М. Н. В ОЛКОНСКА Я\***

*Бувимнинг эсдаликлари*

(1826—27 йил)

**I б о б**

- Бор бўлгур неваралар! Бу кун ҳам яна  
✓ Ўйнаб сайдан қайтиб уйга эртароқ:  
✓ «Буви, зериқдик жуда! Ёғинли тунда  
Суратлар осиғ уйда ўтирган бир чоқ  
Сўзлаб берган эдингиз қизиқ ҳикоя,  
✓ Эшитгандек зерикмасдан, жон буви, яна  
✓ «Шундай бир қисса айтинг» деб бениҳоя  
✓ Қистаб ўтиришарди теварагимда.  
Дедим «Ҳали сиз ёшсиз, эшитасиз хўп,  
Менинг ҳикояларим бўлар кўп китоб.  
Ҳали ўйинқароқсиз, улғайиб, ўсиб  
Ҳаммасига тушуниб оласиз боб-боб!  
Не бўлса, ёшингизга муносиб барин  
Ақлингизга таққослаб ҳикоя қилдим.

---

\* Княгиня Мария Николаевна Волконская (1805—1863) — 1812  
йил Ватан урушининг қаҳрамони генерал Н. Н. Раевскийнинг қизи.  
1824 йилда декабрист Сергей Григорьевич Волконскийга (1788—1863)  
турмушга чиқади.

Боринглар, далаларни, шаҳар боғларин  
Кезинг, ўйнанг... Ёз куни ўлтируманглар жим!»

- ✓ Неваралар олдида қолмай деб қарздор  
Эсдаликни ёзишга киришдим букун;  
Айнан шулар учун ҳам таниш, дўсту ёр  
Суратларин асройман ардоғлаб бутун.  
✓ Мендан хотира қолур альбом ва чечак —  
✓ Синглум — Муравьеванинг\* қабрин гуллари,  
Коллекция қилинган хил-хил капалак,  
Чита\*\* табиатининг манзаралари.  
Темир билак узукни қиласман ҳадя  
Дейман муқаддас билиб ардоғланг шуни.  
✓ Боболаринг мен учун бир туҳфа дея  
Кишанидан ясаган сургунда уни.

Киевга яқин жойда, болажонларим,  
Бир сокин қишлоқчада келдим дунёга.  
Оиланинг эркаси, севгани эдим,  
Наслимиз ҳам бой эди ва аслзода —  
Отам яна кўтарди унинг шуҳратин,  
Ватанидан азизни билмаган ҳеч вақт,  
Бу, ҳаловат билмаган жанговар учун  
Қиммат эди ботирлик келтирган шавкат.

- ✓ Мўъжизалар яратиб курашларда у,  
Бўлди ўн тўққиз ёшда полкка командир.  
Жаҳонга машҳур қилган зафар гултожи,  
Жасорат, мардлигидан нишон эди бир.  
Форс, Швед юришининг жанг жадали  
Жанговарлик шонига дебоча бўлди.  
Саркарданинг ҳеч ўлмас хотиралари,  
Ун иккинчи йил билан маҳкам қўшилди.  
Бу ерда ҳаёт ўтди қаттиқ курашда,  
Юришларда биз бўлдик ёнида ҳамдам.  
Унинг ҳаётин ўйлаб қўрқув ташвишда  
Ўтмаган кун бормикан ойда бир кун ҳам.  
Смоленск шаҳрининг ҳимоячиси,

\* Александра Григорьевна Муравьевэ эри декабрист Никита Муравьев орқасидан Сибирга бориб 1832 йилда ўша ерда вафот қилди.

\*\* Читада қамоқхона бўлиб, Сибирга ҳайдалган декабристлар ўша ерда яшар эдилар.

Олдда бориб ҳар хавфга бўларди қалқон  
Үқ еб Лепциг ёнида яна эртаси,  
Кўксидা ўқ билан жанг қилди беомон.  
Улмаслигин нотиқлар этди мадҳия,

- ✓ Ҳаёт йилномаси ҳам шундай қилди қайд:  
Яшар экан Она юрт-буюк Русия  
Саркардалар ичидан яшар у ҳар вақт.  
✓ Хотирадан силинмас шуҳрати, шони!  
Россия доҳиларин куйлаган замон  
Жарангли мисраларда қайд этиб номин  
Хурматин Жуковский қилганди баён:  
Дашков ёнида шахсан жанг қилган ботир,  
Ўғилларин курашга баҳш этган ота —  
Ватанпарвар отани нақл этди шоир,  
Баҳодирлик кўрсатди беҳад жангларда.  
Улкан-улкан жангларда катта бобонгиз  
Ёлғиз куч-ла келдими рақибдан баланд:  
Жасоратга жанговар заковатини  
Дейдиларки саркарда қилолган пайванд.

Уруш ташвиши билан хаёл паришон,  
Оила ҳаётидан турарди узоқ.  
Жойи келганда қаттиқ. Нақ тангрисимон  
Баркамол кўринарди онамга ҳар чоқ.  
Ўзи ҳам онамизни севарди жондан,  
Қаҳрамон отамизга бизлар ҳам мафтун.

- ✓ Энди юришлар тугаб, қутулиб жангдан  
✓ Оиласда хотиржам дам олди бутун.  
Шаҳардан четда эди уйимиз у дам,  
Болаларни инглиз аёлга бериб  
Дам оларди отамиз. Шу ерда мен ҳам  
Бой дворян қизига не бўлса вожиб  
Барини ўрганардим, тайёрлардим дарс,  
Боғни кезиб ўйнардим, куйлардим шодон.  
Овозимни эшитган қиларди ҳавас,  
Отам ҳам севар эди тинглашни ҳар он.  
Езувларин тартибга соларди аста,  
Газета, журналларни қўймасди қўлдан.  
Базм берар, ўзидаи мўйсафи, кекса  
Генераллар қадами тинмасди уйдан.  
Бундай чоқлар баҳсларнинг бўлмасди сўнги,

Биз ёшларчи, танцадан тинмасдик бир дам.  
У замонлар, жонларим, уйимиз кўрки  
Базмлар маликаси эдим, рост айтсан:  
У хуммор кўзларимда ёнган мовий ўт,  
У кўркам қора қўнғир узун соchlарим,  
У қорача юзимда мисоли барқут  
Шўх товланган қизиллик, гўзал қошларим,  
Баланд бўйим, келишган нозик қомат, қад,  
Мағруона юришим — у замон бутун  
Полкка яқин яшаган офицер, гусар,  
Бор гўзал йигитларни қўлганди мафтун.  
Лекин хушомадларга қилмадим парво,  
Яна мен-чун ғам еди отамнинг ўзи:  
Бўй етиб қолдинг қизим, куёв ҳам аъло,  
Лепциг бўсағасида жанг қилган: уни  
Шаҳаншоҳ отамиз ҳам этади иззат,  
Мардлигини тақдирлаб қилди генерал.  
Сендан катта... ва лекин ўқтам, азамат  
✓ Волконский! Шоҳ кўрик ўтказган маҳал  
✓ Кўрган эдинг сен уни... уйда неча бор  
✓ Учрашгансиз ва сайр этгансиз боғда!»  
— «Ҳа, эсимда! Баланд бўй, хушқад генерал...»  
«Худди ўзи!» деди-ю кулди мийифда.  
— «Шу қадар оз сўзлади, отажон, менга!»  
Деёлдим-у қизариб кетганим сездим.  
«Сен у билан баҳтиёр бўласан!» дея  
Шарт ҳал қилди, бир сўзга журъатсиз эдим.

Икки ҳафта ўртада ўтар ва ўтмас  
Сергей билан қовищдик ўқилиб никоҳ.  
Қайлиғим деб атаган кунлар ҳам кўпмас,  
Эр деб атаб тўймасдан қолавердим тоқ.  
Бир паноҳда яшаган кунлар бўлди кам,  
Бир-бировни кўрмакка юрдик интизор.  
Узоқ-узоқ қишлоқлар бўйлаб сочилган  
Ҳарбий бригадалар қишлиарди. Кўп бор —  
Тез-тез Сергей бўларди уларга меҳмон.  
Бу ўртада мен бўлдим тўсатдан бетоб,  
Врачлар жўнатдилар Одесса томон.  
Шифо берди ёз бўйи денгиз ва офтоб.  
Шу қиши олиб кетмоққа келди Сергей ҳам,  
Бирга кечди бир ҳафта шодлик, роҳатда.

- ✓ Бош квартирда эдик... бизнинг бахт, ором,
- ✓ Тамом булди, биз яна қолдик офатда.  
Бир кун қаттиқ уйқида эшилдим бирдан,  
Сергей дер эди менга: (яқин-ди саҳар)
- ✓ «Тур жоним, калитларни топиб бер тездан  
Ва каминга олов ёқ!» Мен ташлаб назар  
Чуқур ҳаяжон ичра кўрдим эримни.  
Ранги оппоқ оқарган. Каминни ёқдим.
- ✓ Стол яшикларидан қофозларини  
Бўй-бўйлиб ташларди оловга шошқин.  
Апил-тапил бирига кўз югуртар гоҳ,  
Гоҳи бирин отади ўқимай ўтга.  
Мен ҳам кўмаклашардим жисмимда титроқ,  
Қофозларни итариб ўтга сукутда  
Сўнгра деди: азизим, жўнаймиз ҳозир!  
Сочларимни силади ишқ, ҳаяжонда  
Нари-бери йиғишиб бор-йўқни охир,  
Хайр-маъзур қилмасдан жўнадик тонгда.  
Уч кечаю уч кундуз тинмай босдик йўл,  
Сергей хафа, қайгадир шошарди ғоят.
- ✓ Етиб келгач отамнинг ҳовлисига ул:  
✓ Менга хайр, дедиу кетди шу соат...

## II боб

«Кетди!.. Нечун ранглари бу қўдар оппоқ,  
Не ҳодиса юз берди шу бир кечада.  
Нечун рафиқасига бир сўз демаёқ  
Кетди... Ё раб, қолди не кулфат ичида!»  
Узоқ на уйқу билдим, нада тасалло,  
Шубҳалар чангалида қийналди юрак.  
«Кетди у, жўнаб кетди! Яна мен танҳо!..»  
Қариндошлар йиғилиб юпатар бирдак.  
Ишли одам, кутмаган бир хизмат чиқиб,  
Шошилинч кетган дея юпатар отам:  
«Балки императорнинг ўзи чақириб,  
Бирон маҳфий иш билан жўнатган. Сен ҳам —  
Йиғламоқни бас қилгин! — Сафарларимда,  
Ҳарбий ҳаёт жафосин баҳам кўргансан.  
Биласанки, у қайтиб келар тез кунда,  
Қалб остингга бебаҳо гаров тутгансан.  
Ўзингни ардоғлашга мажбурсан сўзиз.

Сабр қилсанг ҳадемай келиб қолади:  
Хотин эрин сафарга кузатиб ёлғиз,  
Қўлда гўдакча билан кутиб олади!..»

- ✓ Ҳайхот! Сен айтганларинг келмади, афсус!
- ✓ Кўришмади шўрлик хотин билан уйида.
- ✓ Азиз, тўнғич ўғилчасин отаси — маҳбус
- ✓ Уйда эмас, ёт жойда олди қўлига.

- На қадар қиймат тушди менга тўнғичим,
- ✓ Роса икки ой ётдим оғир дард чекиб.  
Жоним азоб ичида, ўлган дил, руҳим,  
Кўрган кишим энага бўлди кўз очиб.
  - ✓ Келдими? деб сўрайман юракда қўрқув,
  - ✓ «Мактуб борми?» — «Йўқ!» жавоб бўлди сўроқقا.
  - ✓ «Отам қани?» — «Жўнади Петербургга у».
  - ✓ «Акам қайдা?» — «Аканг ҳам кетди шу ёқقا».

Менинг эrim қелмади, мактуб йўқ ҳатто,  
Отам билан акам ҳам жўнамиш у ён.  
Мен ҳам онамга дедим: «Бас, етар кутмоқ,  
Шунча кутдик. Мен ўзим жўнайман шу он!»

- ✓ Бормасликка ёлбориб ялинди отам.  
Қароримдан қайтмоққа йўқ эди қудрат.  
У сўнгги тун... бу тунда мен учун мубҳам  
Юз берган ҳолнинг барин эслаб бир муддат,—  
Менинг эrim устига ҳалокат, ғусса,  
Солганини англадим қора бир кўлка...

Илк баҳор фасли эди. Дарёлар ўта  
Тошбақа одим билан тушдим мен йўлга.

Мен етиб боргунимча кетдим мадордан  
Ва отамдан сўрадим: «Қаерда эrim?!»  
— «Эринг Молдавияда. У жангга кетган».  
«Сизга хат ёзмайдими?» Отам маъюс, жим  
Уйдан чиқди. Акам ҳам кўринмасди шод.  
Хизматкорлар ҳаммаси сокин ва хомуш.  
Дарров сездим: бир сирни қилиб эҳтиёт,  
Яширишиб дилимни этишмоқчи хуш...  
Дейиши: сен чарчаган ва ҳордиқ даркор,  
Қўйишмади ҳеч кимни ёнимга яқин.

Атрофим ўрагандай пўлатдан девор,  
Газета ҳам бермасдан эздилар бағрим.  
Хаёл қилдим. Эримнинг кўп-ку қардоши,  
Хат ёзаман ёлвориб, қилсиллар жавоб!  
Ҳафта ўтди жавоб йўқ! Утли кўз ёши  
Рухсоримни куйдириб, қиларди хароб...

Оҳ, яширин аламлар туйғусидан зўр  
Нима ҳам бор! Мен қатра тўқмасликка ёш  
Қасам ичиб отамдан сўрадим чин сўз.  
Жимдир падар. Жим атроф. Сукутдир йўлдош.  
Шўрли отам, севгандан қийнайди мени.  
Қизғангандан қилади дилимни абор.  
Билдим, билдим оқибат барча бор сирни  
Нақ ҳукмнинг ўзидан ўқидим ахбор.  
Фитначилар ичига Сергей ҳам бормиш,  
Ағдармоқ бўлибдилар ҳокимиятни.  
Қўшинларни тузишиб битганида иш...  
Очилибди... унга ҳам қўйилган айбни...  
Ўқидим-у, гириллаб айланди бошим.  
Кўзларимга ишонмай қарайман такрор.  
«Наҳот!» дейман, — ҳеч бовар бермайди ҳушим,  
Сергейга шарафсиз иш келишмас зинҳор!

Мудҳиш ҳар бир у сўзнинг мағизин чақиб,  
Юз қайта ўқиганим, ҳамон хотирда.  
Отамнинг ҳузурига бордим мен чопиб,  
Унинг доно сўзлари бахш этди далда.  
Енгил тортдим елкамдан гўё тушди тош.  
Аммо ўкинч шул эди Сергейдан фақат:  
Нечун мени қилмади сирига йўлдош?  
Ўйладим-у, афв этдим уни шу соат:  
«Қандай айтсин! Шу қадар ёш эдим у чоқ,  
Үғли ҳали қалбимнинг остида эди.  
Уртамизга тушганда бу аччиғ фироқ  
У, ҳам она, ҳам фарзанд хавфида эди».  
Мен ўйладим: «Гарчанд зўр бошга тушган дард,  
Лекин умид барчаси бўлганмас барбод.  
Сибирь — даҳшат! Оҳ, Сибирь йироқдир беҳад,  
Аммо унда ҳам инсон кечирап ҳаёт?!

- Мен Сергейни эркалаш орзу ўтида
- ✓ Туни бўйи тўлғондим, ёндим беқарор.  
 Наҳор чоғи кўзимни босган уйқидан  
 Руҳим тетик уйғондим, дардан бегубор.  
 Кундан-кунга ўзимни сездим саломат,  
 Танишларни кўришга толпинар-ди дил.  
 Опамни топдим, сўраб бор сирни, фақат
- ✓ Жавоблари қилмади дардимни енгил.  
 Опам деди: «Шу ўтган кунлари бутун  
 Сергейни сақладилар тюръмада маҳкам.  
 На қардош-у, на дўстни қўйишиди яқин, ,  
 Фақат кеча кўролди уни отам ҳам.  
 Сен ҳам кўра оласан албатта висол:  
 Ҳукм ўқилиб бўйнидан олишгач хочни  
 Қийғизишиди маҳбуслик жандасин дарҳол.  
 Яқинларин кўришга рухсат беришиди!..»
- ✓ Барча тафсилотларин айтмадим... ҳайхот
- ✓ Дилга солиб бир машъум, хавфу хатар из,  
 Қасос тилаб то ҳануз кўтарар фарёд.  
 Болажонлар, яхшидир билмасангиз сиз.

Опам билан йўл олдик эрим томонга,  
 Қўрғонда «генералга» учрашдик аввал.  
 Аммо, қоронғу бўм-бўш ва кенг бир залга  
 Бизни бошлаб йўл олди кекса генерал.  
 «Княгиня», шу ерда кутинг, келамиз!»  
 Дея чиқди бир дунё қилиб тавози.

✓ Интизор тикилардим эшикка ҳаргиз,  
 Хаёлимда минутлар соатдан узун.  
 Мана қадам товуши ҳам бўлмоқда ғойиб,  
 Изларидан учади менинг ўйларим.  
 Назаримда: бир шода калитни олиб  
 Мана очди занг босган қулфни шу зум.  
 Бир темир панжарали хазин ҳужрада  
 Ҳолдан тойиб, толиқиб маҳбусим ётар.  
 «Рафиқангиз келди...» дер. Таниш чеҳрада  
 Қони қолмай оқарап, титрап, жонланар.  
 Рафиқа... қулоғига ишонмас асло,  
 Йўлак бўйлаб чопади мисоли шамол.

«Ана у!» дер генерал чол сертаманно,  
Мен оқибат Сергей-ла кўришдим висол.

О, даҳшатли бўронлар ўтманти беиз;  
Манглайида бўлибди ажинлар пайдо.  
Ранги худди мурданинг юзидаи туссиз,  
Кўзлари аввалгидай чақнамас асло.  
Менга ошно, хаёлкаш, сокин бир нигоҳ  
Аввалгидан теранроқ ва дардли боқди.  
Бир сония синовчан боқди-ю гўё  
Шу қараашда қалбимни бехато топди.  
Кўзлари шодлик ичра сочарди учқун,  
Кўкрагига отилиб йиғлардим ўзим.  
Эрим бағрига босиб шивирлар секин:  
«Бунда бегоналар бор, унутма қўзим».  
Яна шундай дер эди: гўёки, унга  
Эзгулик итоатни лозимдир билмоқ.  
Тюрьмада кун кечирмоқ қийинмас унча,  
Яна нималардир деб куч-далда бермоқ

✓ Бўлар эди... Кузатувчи, аммо безовта  
У ён-бу ён юради. Унғайсиз эди.  
Сергей кийим-бошига қилиб ишора  
Деди: «Маша, сарпо-ла табрикла мени,—  
Сўнгра секин шивирлаб: «*Тушун ва кечир!*»  
Кўзларига ярқираб қуйилади ёш.

Шу он етиб улгурди жосус териб сир,  
Сергей ёшин яшириб қуий эгди бош.  
Дедим баралла: «Сени жандада бу хил  
Кўрарман деб хаёлга келтирдим қачон?  
Шивирладим оҳиста: «*Англайман буткул,*  
*Аввалгидан ортиқроқ севаман, ишон...*»  
«Не қилай? Энди умр кечар сургунда,  
(*Тирикчилик жонимга теккунча бир кун*)».

✓ «Тани, жонинг соғ бўлса, ғам тортиш нега?  
✓ (Бизларни ажратолмас ҳижрон ва сургун)».

✓ «Хали сен шуидаймидинг!» мамнун деди-ю,—  
Юзларини ёритди иссиқ табассум.  
Дастрўмолин дераза узра қўйди у,  
Мен ҳам унинг ёнига рўмолчам қўйдим.  
✓ Кетарканман мен олдим унинг рўмолин. ✓  
Эрим қўлида қолди менинг рўмолчам.

- ✓ Бир йиллик ҳижрондан сўнг, кўрмак-чун висол
- ✓ Берилган бу бир соат жуда эди кам.  
Не қиласиз, не илож, тугади муддат,  
Бошқалар ҳам кутмоқда кўришмоқ дийдор.  
Каретага ўтқазиб мени серхурмат —  
Яна оқ йўл тилади генерал кибор.  
Рўмолчадан мен топдим бир жаҳон шодлик,  
Упид юзу кўзимга суртдим мен уни.  
О, рўмолча бурчига не сўз ёзиқлиқ,  
Ениб — титраб ўқийман энтикиб шуни:  
«Азиз дўстим, сен озод, қарғама, афв эт,  
Рұҳим тетик ва севган рафиқамни ҳам  
Рұҳан тетик кўришини қиласман умид.  
Хайр, гўдак ўғлимга йўллаиман салом...»
- ✓ Эрим қариндошлари Петербургда кўп,
- ✓ Ҳаммаси ҳам этувли, донгдор зодагон!  
Эримни қутқармоқни ўтингдим мен хўп,  
Уч кеча-ю, уч кундуз тортдим ҳаяжон.  
Отам дерди: «Қизим бас, чекма изтироб,  
Қилмаганим қолмади, фойда йўқ фақат!»  
Император ҳазратдан қилиб илтижо  
Йиғлаб ёлворди бари — бу чин ҳақиқат.  
Лекин унинг тош қалбин юмшотолди ким?..  
Эрим билан сўнг дафъа кўришдим дийдор.  
Уни олиб жўнаши... Танҳо йиғлаб жим  
Қолиши билан дилимдан эшиздим бир зор:  
Қололмайман бу ерда, қолмайман асло,  
Шошмоқ керак у томон, маҳбусим томон.  
Отам уйи нафасим бўғади гўё,  
Бормоқ учун ижозат сўрадим шу он.
- + Болаларим, мен энди сўзлай батафсил,  
Умидимнинг у машъум ғалабасини.
- ✓ «Мен бораман» дедим-у оилам аҳил  
Кўндаланг қўйди йўлга раддиясини.  
Парвардигор, не ишга бермадим бардош,  
Не ғовларни ўтмадим, нелар кўрмадим!  
Тўпланди ака-ука, қовму-қариндош.  
Киев ёнидан етиб келди волидам.  
«Қилинг насиҳат» дея, буюрди отам.  
Ялинмоқ ҳам, ёлбормоқ келмади бакор.

Тангри ўзи ярлақаб, менинг иродам  
Барига ғолиб келди синмади зинҳор!  
Дил йиғлайди, қўзимда ёшдан йўқ асар,  
Яна дастурхон узра достон мен ҳақда.  
Оила жим. Гапора сўрайди падар:  
«Хўш, қароринг не бўлди?» — «Жўнайман, ота!»  
Отам оғир сукутда... сукутда барча,  
Йиғламоқдан юрагим эзилди оқшом.  
Гўдагимни тебратиб ўйладим қанча...  
Ноҳас отам ташрифи чўчитди тамом.

✓ Дўқ-пўиса кутгандим... Лекин паришон  
Сўз бошлади, дил тўла меҳр ва ҳасрат:  
«Қизим, ахир қилдинг-у бағримизни қон,  
Бу бетоли: гўдакка йўқми ҳеч шафқат?  
Жоним қизим, не кечар аҳволинг унда?  
Бу қисматга ҳеч аёл беролмас бардош!  
Ўзингни қурбон қилма, болам беҳуда,  
У ерда тирик жонга гўр бўлар йўлдош».  
Жавобимни қўзимдан қиласади фаҳм,  
Пешонамни силайди эркалаб ўпиб...  
«Айб ўзимда! Мен сени хароб айладим»  
Дейди, изтироб ичра ўртаниб куйиб.  
Қайда эди эс-ҳушим, кўз қайда эди.  
Бутун қўшин танирди, биларди ахир!  
Оппоқ сочин юларди, аччиқ йиғларди:  
«Кечир, қизим! Жазодан халос эт, кечир.  
Кетма, Маша!» ялиниб ёлворар, йиғлар.  
Қандай бардош бердим мен — ўзим ҳам ҳайрон,  
Секингина «жўнайман» дедим-у ҳадеб  
Елласига бош қўйиб йиғладим чунон.

«Кўрамиз» деди. Қаддин кўтарди расо,  
Отам кўзида ёнди ғазаб учқуни:  
Ўйламай «жўнайман»ни қиласан иншо,  
Бир дам фикр қилдингми оқибатини!  
Қайга, нечун? Бу ҳақда фикр этмоқ даркор,  
Нелар дединг, жон қизим, билмайсан ўзинг.  
Танангга ўйлаб кўргин, фикр этмай зинҳор  
Наҳот бизни ўзингга рақиб деб билдинг.  
Ота-она душманми ва ёки нодон,  
Ўз тенгингдай қиласан улар билан баҳс.  
Юрагингга назар сол, фикр қил обдон,

Келажакка зийрак боқ, қизишимай бирпас,  
Үйлаб кўр! Эрта билан кўришамиз, хайр...»

Отам кетди даҳшатда, дардли, дарғазаб,  
Менчи санам олдига худди ўликдай  
Йиқилдим-у йиғладим, чилпора юрак...

### III боб

- ✓ Уйлаб кўр! Мен тунларни ўтказдим бедор,  
Кўзимда ёш шашқатор қилдим ибодат.  
Яратганни кўмакка чақирдим зор-зор,  
Худойимдан сўрадим кенгаш ва мадад.  
Мен ўйлашни машқ қилдим; берганди фармон —  
✓ Отам ўйлаб кўришни... бу қандай мушкул!  
Ҳали кеча биз учун у ўйлаган он  
Ҳаётимиз на қадар эди тинч, енгил?

Кўпгина таҳсил олдим, уч тилда эркин  
Сўзлай билдим, ўйнадим, танцага тушдим.  
Зодагонлар, киборлар базмининг ёрқин  
Шўх юлдузи мисоли ярқираб ўсдим.  
Баҳслашардим мен жўшқин ҳар чоқ, ҳар бобда,  
Музикани билардим, куйлардим гўзал.  
Чавандоздек енгил, соз учардим отда,  
Аммо лекин ўйлашни билмадим азал.

- Фақат йигирма ёшга кирдим-у ахир  
Идрок этдим бу ҳаёт эмас ўйинчоқ.  
Зотан гўдак чоғда ҳам дил кетарди зил  
Эшитилса гумбирлаб тўп овози гоҳ.  
✓ Бекаму кўст яшардик баҳтиёр, эркин,  
✓ Қатиқ-қайrim бир сўз ҳам айтмасди отам,  
✓ Ўн саккиз баҳоримда бўлдим мен келин,  
✓ Ҳеч нарса ўйламадим, мен ўшанда ҳам...

Фикрлашдаи толмади бошим сўнгти пайт,  
Ёрилгудай ўртанди дард чангалида;  
✓ Муаммолар даставвал ақлим этди забт.  
Мудҳиш фалокат аён бўлган онидан  
Кўз олдимдан кетмади Сергей бир нафас,  
Тутқунликда қийналган сўлғун ва bemor,

Шу чоққача менга ёт қанча эҳтирос  
Менинг шўрли қалбимга инъом қилди ёр.

- Барча азобни тортдим аммо баридан  
Ожизалик туйғуси келди бешафқат.  
Кучлиларга ёлбордим, сўраб тангридан --  
Ёрга кўмак изладим... беҳуда фақат!  
Фазаб хаста кўксимни қиласди тилка,  
Вужудимни ўради қайноқ ҳаяжон.  
Талпинар, интилардим қучиб таҳлика,  
Осойишта ўйлашга йўқ эди имкон!
- ✓ Энди шаксиз, ўйламоқ, фикр этмоқ даркор,  
Отам шуни хоҳлайди, шудир хоҳиши.
- ✓ Майли, менинг иродам ўзгармас зинҳор,  
Майли, беҳуда, бўшдир фикрим, ўйлашим,—  
Бурчим ота фармонин этмоқдир адо,  
Ўйламоққа аҳд қилдим, жонажонларим!

Қекса отам дер эди: «Ўйла, биз ҳақда,  
Эмасмиз-ку бегона биз сенга, қизим!  
Ота-она ва ҳатто гўдак фарзандни  
Бир андиша қилмасдан ташламоқчисан —  
Нима учун?»— «Бурчимни этмак-чун адо».—  
— «Не кунларга ўзингни банд этмоқчисан,

✓ Азобгами?» — Мен унда чекмайман азоб.

Мудҳиш азоб кутмоқда бу ерда мени.  
Ҳижрон бағрим поралаб қиласди хароб,  
Сизга итоат билан қолганим куним,  
На кечаю, на кундуз топмасман ором,  
Шўрли етим бошида мен тўкиб кўз ёш.  
Ёлғиз эрим ҳақида ўйларман мудом,  
Эшитарман беозор таънасин ёввош.

- ✓ Қайга бориб Исподдан топарман омон, ✓  
Қайга бошим ураман халқнинг ҳукмидан?  
Бевафо деб тўқирлар шаънимга достон,  
Таъналарин ўқирман табассумлардан:  
✓ Ҳашаматли базмлар очолмас дилинг,  
✓ Сенинг жойинг хазинлик чўккан оч саҳро —  
Хоргин, тутқун тюрьманинг кунжагида жим  
✓ Оғир ўйдан бир ўзи қийналар... танҳо  
✓ Суяничиқсиз... сен дарҳол ўша ёққа бор!  
Озод нафас олурман унинг ёнида.

Шодлигига шериклик, тутқунлиқда ёр  
Бўлмоқ бурчим!.. Ҳам шуни хоҳлайди худо.

- ✓ Узур этинг азизлар! Дилим азалдан  
Тақдиримни ҳал қилган, қарорим кескин,  
Ишончим зўр — бариси қодир худодан,  
Сиз-чи, раҳм ва шафқат қиласиз лекин.  
Гар танламоқ фарз бўлса икки йўл холос:  
Бири ўғлим ва бири тутқундаги эр.  
Маҳбус томон еламан, мен унда даркор,  
Ўша томон, у томон, юрак шуни дер!  
Ўғлимни ўз оиласи бағрига олур,  
Кўп ўтмайин у мени унугдади ҳам.  
Гўдагимга бобоси ўз ота бўлур,  
Уни она меҳрига ўрайди опам.  
Ҳали ўғлим жуда ёш, улғаяр, бир кун  
Мудҳиш сирнинг барчаси бўлади аён.  
Ишонаман: у англар она туйғусин  
Ва юракдан афв этар, комилдир имон.

Ёлғиз фарзанд десам-у қолсам бу ерда,  
Сўрамасми сир унга бўлганда ошкор:  
«Фарид отам ёнига бормадинг нега?»  
Фина, таъна қилмоғи, ёзириғи бор?  
Йўқ, йўқ эрим дардига бўлмасам даво,  
Тириклайн қабрга кирганим афзал.  
Сўнг ўғлим нафратига бўлмоқ мубтало?  
Йўқ! Нафрат истамайман асло, ҳеч маҳал!..

Балки, балки... Ё раббий! Ўйлаш ҳам даҳшат! —  
Унтарман кўз очиб кўрганини яна?  
Янги рўзгор ва эрга қилиб итоат  
Ва бўлурман ўғлимга бир ўгай она?  
Баттол она! Оҳ, жисмим куйдирмоқда ор,  
Кечир, менинг эй азиз, шўрли бадарғам.  
Мен унутай? Сени? Йўқ, ўйламоқ малол,  
Сен қалбимнинг ягона севгани, эркам.

Ота! Қани билсанг, у, нақадар қиймат,  
Оҳ, билмайсан, уни сен! Кўрдим мен илк бор.  
От устида ясанган, сипоҳ, хуш қомат  
Полк олдида туради. Гўзал ва кибор.

Қаҳрамонлик, шуҳратли ҳаёт қиссасин  
Унинг жангчи дўстлари достон қилганда,  
Чанқоқ, жону дил билан тинглаб ҳаммасин —  
Шу довюрак ботирга бўлдим мен банда.

Сўнгра... Сўнгра фарзандим отаси бўлди.  
Яна ортди муҳаббат севгим юракда.  
Лекин бутун туну кун ҳижронда ўтди  
Тирик эди у фақат жангда, курашда...  
Сиз сўраманг, биз қайда кўришдик дийдор,  
Қудратини кўрсатди тақдир ва қисмат.  
Қалб севгисин энг тоза гавҳарин сўнг бор  
Тюрьма ичра топширдим унга умрбод.

Туҳмат, бўғтон барчаси бекор, беҳуда,  
Аввалгидай бенуқсон содиқ, соф эди.  
Мен тюрьмада кўраркан мудҳиш жандада  
Нақ тангрини севгандай севдим мен уни.  
Энди маъсум улуғлик порлаб юзида  
Бир дам жилмай турарди кўзим олдида.  
Машаққатлар гултожи ёниб бош узра  
Барқ уради илоҳи ишқ нигоҳида.

Отажоним! Мен уни кўрмоғим даркор...  
Ҳасрати фуссасидан бўламан ҳалок.  
Сен ўз бурчинг ўтаркан аядингми жон,  
Нақ шундай таълим бердинг бизга ҳам ҳар чоқ.  
Қонли кураш қирғинли жанг оловида  
Ўғилларин бошлаган қаҳрамон жасур,—  
Наҳот энди бечора қизнинг жонига  
Ора кириб кўрмайсан қарорин маъқул!

Шу хаёллар узун тун кечди бошимдан,  
Отам билан суҳбат ҳам ўтди шу зайнил...  
«Ақлсиз қиз!» деди у, охир қошимдан  
Кетар экан. Онамда заррача майил  
Кўрганим йўқ. Ҳамма жим, ҳаммада алам,  
Оға-иним, қариндош, барида сукут.  
Оғиғ кунлар ўтиши мушкул бунча ҳам,  
Бунча отам юзидан кетмайди булут.  
На маслаҳат, на кўмак берар бир кимса,  
Аммо мени босмади зарра ҳам мудроқ.

- Яна миҷжа қоқмади тун узун кеча,  
На чора бор, подшоҳга бўлдим хат ёзмоқ.  
(Трубецкая Катяни йўлидан гўё
- ✓ Қайтаришга берганмиш подшоҳ фармон).  
Юрар эди шундай гап, пешонам қора ✓  
✓ Бўлмасайди шу тақлид. Қўрқардим ёмон.  
Йўқ, бу шов-шув барчаси экан беҳуда,  
Опам Катя Орлова\* элтди мактубим.  
Жавсб ёзмиш шоҳ ўзи, ташаккур, унда  
Дилга дармён бахши ётган эзгулик кўрғим.  
Ҳазратлари мулойим зебо ва дилкаш  
(Шоҳ Николай ёзганди француз тилда)  
Баён этмиш. Мен борар ўлкада яшаш
- ✓ Амри маҳол. Даҳшатли ёвуқ у элда  
Дағал қўпол маҳлуқлар кечирар ҳаёт.  
Менчи, ҳали жуда ёш, нафис бир ниҳол,  
Моҳирликла ишора қилмишки: ҳайхот  
Омон қайтмоқ у ердан мушкул ва маҳол.  
Сўнг олий зот лутфила кўрсатиб карам,  
Жасоратим мадҳ айлаб қилмиш бахтиёр.  
Жинояткор эримни... афсуски бу дам  
Афв этишга бермасмиш бурчи ихтиёр.  
Бизнинг юксак ҳис-туйғу муҳаббатни рад  
Қилмоқ учун топмай куч бермиш ижозат.  
Лекин бўлар кўп аъло: кетмай мен фарзанд  
Билан қолсам...

Ҳаяжон жисмимни ғоят

Ураб олди. «Жўнайман!» кўпданми юрак  
Бундай шодлик қувончга бўлганди макон?  
«Мен жўнайман! Гап тамом, тез учмоқ керак!..»  
Мен йиғлайман, ибодат қиласман шодон...

Уч кун ҳозирлик кўрдим узоқ сафарга,  
Кийим-кечак ғамладим, тикдирдим пўстин —  
Асл буюмларимни қўйиб гаровга  
Сотиб олдим оддий, соз арава шу кун.  
Қариндошлар ҳаммаси ҳайрён, ҳайратда,  
Тарааддудим уларга кўринарди фол.

\* Екатерина Николаевна Орлова (1805—1885), генерал Раевскийning бош қизи, декабрист Михаил Хедорович Орловнииг хотини.

Уйда ҳеч ким ишонмас... қувонч, ҳасратда  
Сўнгги тунни гўдакка бериб бемалол  
Танҳо қолдим. Ёнидан силжимай ўғлим  
Кулгуларин сингдирмоқ бўлдим хотирга.  
Эркаладим сўнг дафъя ва ўша машъум  
Мактуб муҳрин ўйнадим у билан бирга.  
Ва ўйладим: «Бечора, эй маъсум гўдак,  
Сен билмайсан не сир бор ўйинчоғингда!  
Бунда шўрлик қисматинг, бегуноҳ малак,  
Бошингда онанг бўлмас турган чоғингда!»  
Юзим қўйиб оқ момиқ қўлчалариға  
Қайғу-ҳасрат аламда йиғлаб ёлбордим:  
«Кечир, ўғлим, отанг-чун, отанг дардига  
Даво излаб сени мен қолдирмоқ бурчим!..»

У қиқирлаб кулади, қаёқда уйқу,  
Хатнинг кўркам конвертин ўйнаш билан шод  
Катта алвон муҳирга талпинади у,  
Ўйнаб ётди ўғлим...  
сўнг тонг ёришар чоқ

Пишиллаб ухлаб кетди, ширин гўдагим!  
Юз рухлари гулсимон алвон тус олди.  
Унинг азиз юзидан узмай кўзларим  
Ибодатда ўтказдим тунни...

Тонг отди...

Бир нафасда сафарга бўлдим мен тайёр,  
Арава шай... яна мен дил чекиб фарёд:  
«Ўғлимга оналиқ қил! Ўкситма зинҳор!»  
Деб опамга ёлвордим... Опам қасамёд  
Қилди санам олдила. Ҳамма жим, маҳзун,  
Ҳамма сокин... Жудолик оқар сукутда.  
Гўё бу кун мен ўлдим оилас учун!  
Тангрим... Санаб бўлурми машъум минутда  
Қанча азизларимдан бўлдим мосуво?!

Ана, онам боши ганг, ўтирап хомуш,  
Ҳамон идроки бовар қилмайди асл:  
Унинг қизи кетишга жасорат қилмиш!  
Отам қовоғи солиқ бош эгиб қуйи,  
Бир чеккада ўлтирап на гап бор, на сўз.  
Бўздай оппоқ юзидан ўқиш-чун ўйин  
Саволомиз нигоҳлар қадалур ҳануз.

Аравага солинди сўнгги анжомлар,  
Мен йиғлайман, танамда битмоқда дармон.  
Аранг ўтган минутлар берган азоблар  
Оғир эди... Опамни қучдим. Мехрибон  
Волидамни бағримга босдим сўнг дафъа,  
«Паноҳида сақласин сизларни тангри!» —  
Ўпдим оға-инимни. Улар отамга  
Тақлид қилиб жим эди отам сингари...  
Отам секин қўзғалди қаҳру ғазаби  
Қисиқ лаблар, юздаги ажинларида.  
Сукут ичра қўлига бериб мен хочни  
Хузурида тиз чўқдим, ялиндим яна:  
«Кетмоқдаман, бир сўз айт, муҳтарам падар,  
Тангри ҳаққи ўз қизинг гуноҳидан ўт!..»  
Мўйсафид жим ва ўйчан ташлади назар,  
Жиддий доно кўзида меҳр, алам, ўт.  
Таҳдид билан қўлини кўтариб аста  
Шивирлади (зўр титроқ босганди жисмим)  
«Бир йилдан сўнг қайт уйга, унутма! Йўқса  
Оқ қиласман!..»

Е раббий... беҳол йиқилдим.

#### *IV боб*

- «Хайрлашмоқ етар, бас, етар кўз ёшлар!»  
Тройкага ўтирдим — учдим, шу замон.  
«Хайр энди, азизлар, қовму қардошлар!»  
✓ Ота уйидан чиқдим! Совуқ қаҳратон.  
Уч кечаю-уч кундуз юрдим тўхтамай,  
Мен сураътнинг ортидан эргашиб кетдим.  
У шифолаб дилимни доно табиbdай  
Ҳадемай Москвага келиб ҳам етдим.  
Қайнин эгачим Зинанинг тушдим уйига,  
Қиягиня ёш эди, оқила, дилбар.  
Қўшиғини тинглаган — мафтун куйига,  
Унга музика санъат муқаддас гавҳар.  
Ҳикоя мажмуасин қолдириди мерос,  
Шоир Веневитинов ишқида шайдо —  
Нозик латофатга бой, тўла эҳтирос,  
Гўзал байтлар, мисралар баҳш этди аъло.  
Бир йил Италияда яшаб, «Кўзида  
Жануб кўкин чиройин олиб келди у».

Шундай таъриф этганди ёниб кўйида  
Юрган шоир бир ажиб шеърида эзгу...  
Москва киборига малика эди.  
Артистларга бўларди бир паноҳ мудом.  
Зўр эди уларнинг ҳам ҳурмати, меҳри,  
Шимол Кориннаси\* деб бергандилар ном.

Йиглашдик. Менинг машъум, катъий қарорим,  
Унинг ҳам юрагига келган эди хуш.  
«Бардам бўл, эй гарибим, унут ғам, зоринг,  
Қара, гулдай чеҳрангга булат ёйилмиш!  
Қандай қилиб тарқатсан уни юзингдан?  
Оҳ, сендан айрилмоғим нақадар қийин?  
Жонгинам, кечга қадар бир оз сен ол дам,  
Сўнгра оқшом бир катта базм қурайин.  
Қўрқма, хуш келар нозик табиатингга,  
Дўстларим янги эмас, бари қадрдон.  
Дилрабо қўшиқларни айтамиз бирга,  
Севимли пъесаларни қўямиз чандон...»

Оқшомгача шаҳарга тарқалиб кетди  
Москвага келганим ҳақида достон.  
Чунки ёшу қарининг оғзида эди  
Эрларимиз тақдири худди шу замон.  
Шунинг учун суд ҳукми чиққан чоғида,  
Ҳайрат, даҳшат ўради барчани дарҳол.  
Шунинг учун Москва салонларида —  
Растопчин латифаси бўларди такрор:  
«Ямоқчи Европада бўлмоқ-чун боён  
Исён қўтарса қилмас таажжуб ҳеч ким.  
Бизда революция қилди зодагон,  
Ямоқчи бўлмоқликни истаган балким?..»

Ҳамма оғзида достон бўлдим шу кунлар...  
На фақат бир ёзувчи, шоир, Санъаткор —  
Йигилди барча машҳур ҳешлар, уруғлар,  
Кўш отли кареталар кўчада қатор.  
Парикларин упалаб обдон сероро,  
Потёмкин тенгқурлари бўлди намоён.  
Саф тортиб сертавози, сифо, боодоб

---

\* Коринна — қадимги юнон шоираси.

▼ Таъзим ва иззатларин қилдилар баён.  
Саройларда бир ҷоқлар сурган давр-даврон,  
Мансабдор кампирлар ҳам очдилар қучоқ.  
«Қандай қаҳрамонлик бу! Ажаб бир замон!..»  
Бир мақомда бошларин чайқашар узоқ.

Москванинг зодагон, корчалонлари  
Ва шаҳарда ўрнашган йўловчи-ки бор,  
Шу кеч бўлди Зинанинг азиз меҳмони.  
Иифилди казо-казо артист, санъаткор,  
Замонанинг энг донгдор, отоқли, мумтоз  
Италян куйчиларин тингладим бунда.  
Отамнинг ҳамкорлари, дўстлари ғаммоз,  
Ғуссаю алам чекиб ўтирас шунда.  
Мен интилган ўлкага кетган дўстларнинг  
Туғишган, яқинлари шу ерда ҳозир.  
Шу ерга келган сўнгги алвидо сўзин  
Айтмоқ учун севикли ёзувчи, шоир:  
Бунда Одаевский, Вяземский ҳам,  
Аммам қизига ошиқ жўшқин, меҳрибон  
Шоир ҳам шунда эди. Сўнгра эшиитсан  
Вафот этмиш у шоир бевақт навқирон.

Пушкин ҳам шунда эди... кўриб, бўлдим шод,  
Оиламиз ёшлигин ҳамроҳи шоир.  
Юрзуфда отам билан кечирди ҳаёт  
Менинг шўх ёшлигимнинг гувоҳи шоир.  
У вақт сайр қилган эдик истаган қадар,  
Гул сочишиб ўйнардик бир-биримизга.  
Ўй ичимиз Қrimга қилганда сафар,  
Пушкин ҳам ҳамроҳ бўлди оиламизга.  
Зерикиш билмай йўл босдик, наҳоят олдда  
Тоғлиг-у, Қора денгиз бўлди намоён.  
Бир дам бунда тўхташга амр этди отам,  
Биз кенглика յирадик, ўйнашиб шодон.

Энди ўн олти ёшга тўлгандим шу йил,  
Ёш бўлсам ҳам шўх эдим, чақон ва бўйчан.  
Оилани тарқ этиб қушсимон енгил  
Ўйнардим жингалак соч шоир-ла курсанд.  
Шляла киймаганман, узун соч ёйик,  
Тепамдан қиздиради тушки офтоб,

- Мен дengизга учаман, қаршимда ёник  
 Жануб соҳили ётар чиройи яшнаб.  
 Атрофга тўймай боқар кўзларим хушхол,  
 Сакрайман, денгиз билан ўйнайман шодон.  
 Тошқин узоқ кетади, мен эса дарҳол  
 Чопиб, елиб бўраман яна сув томон.  
 Тошқин яна келаркан соҳилга яқин,  
 ✓ Тўлқинлар қатор-қатор оқаркан, мен боз  
 Қочишига шошиламан дилларда ёлқин,  
 Тўлқин эса орқамдан қиласи парвоз!..

Пушкин узмай нигоҳин қараб турарди  
 Ва куларди ботинкам ҳўл қилганимдан.  
 «Энагам келаётир, жим!»— дердим жиддий,  
 Оёғим ҳўллигини яшириб ундан.  
 Сўнгра мен «Онегин»да учратдим барин,  
 Ажойиб мисраларни унга ўқидим.  
 Олов ўраб оларди ўқиган сайин.  
 Шод эдим... Бари ўтди. Энди қаридим.  
 ✓ Утди у ажиб кунлар... Яширай нега,  
 Пушкин менга ошиқдек кўринди шу чоқ.  
 Дарҳақиқат, у кўнгил қўймади кимга,  
 Кимни севиб қолмади у юрак қайнок?!  
 Уйлайманки, илҳоми қадар у замон  
 Эҳтирос-ла севмаган ҳеч кимсани у,  
 Юрагини банд этган дард-у ҳаяжон  
 ✓ Илҳом эди ва унга бўлган ишқ-қайғу.

Юрзуф ажойиб макон — мисли гўзал боғ,  
 Бу боғларнинг ичида водийлар яшинар.  
 ✓ Денгизидан нарига чўккан Айиқ тсғ,  
 Қоялар этагига ёлишиб қатор —  
 Татарлар кулбалари турарди ва ток  
 Занглари тиккаликка кетган чирмashiб.  
 Зилол колонналардай саф тортиб терак  
 Қимир этмай турарди тўп-тўп бўлишиб.  
 ✓ Ҳовли олдик бир баланд қоя остидан,  
 Юқориги хонага ўрнашди шоир.  
 У дер эди: — Мамнунман ўз қисматимдан,  
 Шу денгиз, шу тоғларга бўлибман ошиқ.  
 Пушкин саир этарди ёлғиз ва танҳо.  
 Кезиб юрар эди у тинмай узун тун.

Тунлар денгиз соҳили бўлди сайргоҳ  
У чоқ фикрини Байрон этганди маҳкум.  
Пушкин Лена исмли менинг синглимдан  
! У инглиз тилидан олар эди дарс.  
Таржима қилган гарчанд Лена Байрондан  
Ва шоирдан сир тутиб кўрсатган эмас.  
Фақат менга ўқирди ўз машқин синглим,  
Сўнгра йиришиб ташларди барин шу замон.  
Лена ҳам шеър ёзишин уйдан аллаким  
Бир кун келиб шоирга айламиш баён.  
Дераза орқасидан парча ва парча  
Қоғозларни тергандан сир бўлди ошкор.  
Шодликдан таржимани мадҳ қилиб анча  
Қиз шўрлини қизартди шоир неча бор.  
Машғулотин тугатиб бизнинг ҳовлига  
✓ Тушар эди қилмоқчун бирдам фароғат.  
Тик, ям-яшил турарди айвон олдида  
Шоирнинг содиқ дўсти бир туп сарв дарахт.  
Шоир тонгни кутарди сарв соясида,  
Хўшлашарди сафарга жўнаркан ҳар он.  
Дейдиларки, ерлилар ҳикоясида  
Кўринармиш Пушкиннинг излари ҳамон:  
«Осмонга болқиб-болқиб чиқиш билан ой,  
Дарҳол учиб келармиш шоирга булбул.  
Куйларига маст бўлиб қолармиш тоғ, сой,  
Борлиқ табиат жимиб тинглармиш буткул.  
Халқ сўйлайди, — сўнг булбул ҳар келганда ёз,  
Боққа учиб келишни қилмабди канда.  
Гоҳ чинқириб, гоҳ йиғлаб куйи тўла роз  
Чақирибди шоирни ҳар гўзал тонгда.  
Лекин шоир ўлмиш-у, қанотли куйчи  
Келмай қопти... Ва шундан бери сарв дарахт  
Етим қолиб қайғуга, аламга тўлди,  
Ҳамсуҳбати шу денгиз бўлибди фақат...»  
Пушкин шарафга кўмди бу сарв дарахтин,  
Сон-саноқсиз сайёҳлар зиёрат қилар  
Соясида дам олиб, хотира учун  
Хушбўй, зилол шохидан синдириб олар...

Шодлик, севинчсиз бўлди бу сўнгги висол,  
Чуқур қайғу-аламга чўмганди шоир.  
У, Юрзуф...денгиз... унда кечирган гўзал

Болалик ўйинларин эслатди ҳозир.  
Ҳазилкашлик одатин унугиб бутун,  
Меҳр ва шафқат тўла мен-ла тортди ғам.  
Бегам ўтган ҳаётнинг дўстига шу кун  
Ўгит бериб оғадай бўлолди малҳам!  
Анча юрди хонада, менинг ёнимда  
Қисматим юрагига солганди ташвиш,  
Болажонлар, сўзлари бари ёдимда,  
Ундан баён қилмоғим гоят мушкул иш:  
«Боринг, боринг! Сизда зўр қудратли қалб бор-  
Жасур чидам, бардошга бойсиз ниҳоят.  
Ҳалокатли сафарда иқбол бўлсин ёр,  
Махрумликлар қилмасин асло хижолат!  
Ишонинг, дилингизнинг бундай мусаффо  
Поклигига арзимас разил жамият.  
Унинг пуч ташвишларин соғ севги, вафо  
Мардлигига олмаган баҳтиёр минг қат!  
Бу жамият — ҳамманинг кўнглига урган  
Бир маскарад — унда қалб тош бўлиб мудрар.  
Оташин ҳақиқатга совуқ уфурган  
Муттасил манфаатдор муз ҳукм сурар.  
Иилларнинг қудрати-ла кетар адоват,  
Замонлар йиқиб ташлар кўхна тўсиқни,  
Қайтиб келар отангиз шуҳрати албат  
Ва қадрдан боғларнинг соя-салқини!  
Ҳориган кўнглингизга шифобахш бўлиб  
Зангори водийларнинг кирап шарбати.  
Сўнг ўтмишга боққанда ғууррга тўлиб,  
Яна сизни яйратар шодлик нашъаси...

Аминман! Қайфингизга хотима бўлур,  
Ахир шоҳнинг ғазаби бўлмас умрга.  
Лекин чўл, саҳроларда топсангиз ўлим  
Чин қалбдан ташаккур-ла олурлар тилга:  
Қаҳратон совуқ элнинг қорли чўлида  
Покиза дил қудратин қилиб намоён,  
Очилимай хазон бўлган севги йўлида  
Мард хотиннинг сиймоси дилбар ва жонон.

Сиз ҳалок бўлсангиз ҳам, сиз тортган жағо  
Достони юракларда тирик қолади.  
Эвара, чеварангиз саҳаргача то

, Дўстлари-ла сиз ҳақда суҳбат қилади.  
Сизнинг ҳеч унутилмас қиёғанғизни  
Кўрсатурлар афсус-ла уларга бир чоқ.  
Узоқда ўлган азиз аждод руҳини  
Шод этмак-чун қадаҳлар кўтарурлар оқ!..  
Саҳродаги қабрнинг ёғоч хочидан  
Мармар тош мангуроқдир албат — бегумон.  
Долгорукая олам хотиротидан  
Кетмас, аммо, Бирондан\* қолмади нишон!

На дердим! Соғлиқ, қудрат берсин худойим,  
Улмасак кўришмоққа топармиз имкон.  
«Пугачев»ни ёзишга амр этди шоҳим,  
Пугачев қийнамоқда борлиғим ёмон.  
Шараф-ла адо этмоқ истагим ғоят,  
Шу туфайли Уралга қиласман сафар,  
Баҳор нафаси билан жўнасам, шояд  
Яроқли маълумотни тополсам, жадал —  
Сиз томон йўл оламан Уралдан ўтиб!..»  
«Пугачев»ни ёзди-ю, биз томон аммо  
Шоир қорли ўлкага келмади етиб.  
Ахир қандай қилсин у ваъдага вафо?

Музика тинглар эдим юракда ғусса,  
Қўшиқнинг ҳар сўзини иламан чанқоқ.  
Узим қўшиқ айтмадим нетай мен хаста,  
Бошқаларга ёлвордим, ўтиндим қайноқ:  
«Ўйланг дўстлар, мен жўнаб кетаман тонгда,  
Куйланг жоним, куйланглар, янгратинг созни.  
Бу қўшиқлар қаёқда, музика қайдা,  
Куйланг, куй барбод этсин дилдаги розни».

Ажиб, нафис оҳанглар қуйилди равон,  
Кузатиш қўшиғи-ла битди зиёфат.  
Оғир ўйсиз ҳеч кимни кўрмадим! Бирон  
Кишини учратмадим беқайғу ҳасрат!  
Кампирларнинг салқиган жиддий юзлари  
Совуқ такаббурлигин секин йўқотди.

\* Княгиня Наталия Долгорукая (1714--1771) фельдмаршал Шереметовнинг қизи, Сибирга эри орқасидан сургунга кетган. Эрнст Бирон — замонанинг зайлι билан бўлиб қолган золим ҳоким, малика Анна Ионновнанинг хуштори

Гүё ҳаёт жилvasи сўнган кўзлари  
Меҳр, шафқат ёши-ла қайтадан ёнди.  
Бор санъатин кўрсатди барча санъаткор,  
Оқ йўл, баҳтиёр сафар орзуси куйда —  
Жарангларкан бу куйдан гўзалроқ не бор!  
Хайру дуо сўзидан латиф куй қайдал  
Илҳом тўла созлари янграб беғубор,  
Куйладилар кўзларда тўхтамади ёш.  
Хўшлишаркан ҳар бири қучоқлаб, такрор  
Дерди: «Ҳар ерда бўлсин тангримиз йўлдош».

#### V боб

Қаҳрамон совуқ, йўллар оппоқ ва текис,  
Заррача булут йўқдир қиши осмонида.  
Ямшчикнинг қошу соқол, мўйловлари муз,  
Дир-дир титраб ўтирас соявонида.  
Орқасида, кифтида, қалпоғида қор,  
Бўғилар, отларини ундан илгари.  
Чопар, чопар отлари тинмайин зинҳор,  
Йўтал бўғиб келар-ди тезлаган сари...

Одатдаги лавҳалар: кўркам бир чирой —  
Сўлмас саҳро чироий — бу рус ўлкасин,  
Улкан соялар ташлаб қалин қарағай,  
Салобат-ла шовуллар оғир ва ҳазин.  
Яланглик мудраб ётар олмос чодирда,  
Қор ичига кўмилиб кетмиш қишлоқлар.  
Помешчик уйи яққол турар адрда  
Черков гумбази нурда ёниб ярақлар...

Одатдаги учрашув: арава сўнгсиз,  
Худогўй кампирларнинг дайди тўдаси.  
Тройкада, пар тўшак устида семиз,  
Талтайиб ботиб ётар савдо тўраси.  
Пошшолик араваси! Ўнлаб арава:  
Уйиб ортилган тўрва, тугунчак, қурол.  
Лашкарлар! Ҳали кўп ғўр, мўйлаби сабза.  
Янги солдат эканин сезасан дарҳол.  
Ўғилларин кузатар дехқон оила:  
Оталар, волидалар, опа-сингиллар.

Ҳар томондан дод-фарёд келар: «Полкига  
Олиб кетди, бўтамни, оҳ, тошбағирлар!»

Ямшчиғи гардонига муштини ниқлаб  
Фельдъегерь борар эди ортидан жадал.  
Мана, йўл ўртасида тавушқон кўриб,  
Помешчикнинг овчиси қувди шу маҳал —  
Чопқир отида сакраб ўтди чуқурдан.  
Итлар билан талашиб кетди ўлжасин.  
Бутун мулоғимларин йигиб нарида  
Помешчик чақиради този тўдасин.

Одатдаги манзара: худди жаҳаннам —  
Станция тиқилинч — жанжал ва талаш.  
Болалар қараб турар деразалардан,  
Совуқ қотган товуқлар олишар яккаш.  
Темирчи дастгоҳида от типирчилар,  
Юз-кўзин қурим босган темирчи шу он  
Кўлда тобланган тақа, дўкондан чиқар:  
«Йигитча, от туёғин, тут, қани чаққон!»

Йўлимизда биринчи давон-да Қозон,  
Мусоғир хонага ўрнашдим кириб.  
Деразадан боқдим-у бўлдим пушаймон,  
Чуқур ўксиниб кетдим базмни кўриб!  
Қаттиқ дивонда ётиб сурман хаёл,  
Янги йилга қолибди бир-икки соат:  
«Қандай курсанд одамлар, қандай баҳтиёр,  
Барчасида озодлик, ором, фароғат.  
Кулишар, ўйин тушар, қувнашар, мен-чи —  
Фамга кириб бораман, хайр энди шодлик!»  
Нечун бундай ўйларга эрк бердим, нечун?  
Ёшлиқ, болажонларим, ҳаммаси ёшлиқ!

«Трубецкая қайтарилди!» дейдилар, эйвоҳ!  
Чўчитмоқчи бўлдилар яна бешафқат.  
Мен қўрқмайман, ижозат берган подишиоҳ!»  
Қани олға, урмоқда ўнни ҳам соат!  
Мен отландим, «ямшчик ҳам бўлдими тайёр?»—  
«Киягиня, яхшиси тонг билан жўнанг.—  
Назоратчи чол қилди эътиroz изҳор:—  
Қор бўрон бошланмоқда, бир нафас қаранг!»

— «Оҳ, ҳали кўп мен учун кўргулик азоб,  
Жўнайман, худо ҳақи тезроқ, тез фақат!..»

Қўнгириқ жаранглайди, қоронғи атроф,  
Масофа кечган саринг ортар машаққат.  
Жўякларнинг устидан тушган каби йўл,  
Енбошлар безиллади, чайқашдан буткул.  
Қаршимдаги ямшчикни кўрмайман ҳатто,  
Үртамиизда қортепа бўлганди пайдо.  
Тройка зўр зарб билан тўхтади қалқиб,  
Оз бўлса учиб кетар эди арава.  
Ямшчик нолир: «Кутайлик шу ерда қолиб,  
Дедим: Йўлни йўқотдик, қолдик овора!..»

Йўл излашга ямшчикни жўнатдим дарҳол,  
Соябон аравамни чипта-ла ёпдим.  
Ўйлайман: саҳар яқин бўлса эҳтимол,  
Соат пружинасин оҳиста босдим.  
Соат ўн икки, мана эски йил тамом

✓ Ва янгиси дунёга келиб улгурди!  
Сал кўтариб чиптани қарайман, ҳамон  
Авжга чиққан қор бўрон, совуқ уфурди,  
Унинг қандай иши бор ғамимиз билан.  
Янги йилимизга ҳам этмайди парво.  
Эй бўрон, ваҳимангга дош беражакман,  
Ўкириб инграшларинг ранжитмас асло  
Бордир бағримни эзган ўзга ташвишим,  
Уша билан курашга кирганман ёлғиз...

Янги йил-ла табриклаб қўйдим ямшчигим.  
Деди: «Бор тунашга жой, ўша ерда биз

✓ Тонг отгунча бўламиз!» Кўнмай на йўл бор?  
Етиб бордик у ерга, мажруҳ ва бежон.  
Ўрмон қоровулларин қилдик биз бедор  
Ва ис бурққан печини ёқдик шу замон.  
✓ Урмончилар сўзлади мудҳиш ҳикоят,  
Хотиримдан силинмиш барча эртаги.  
Иссиқ чой яйратган тан истар фароғат,  
Аммо ҳамон сердаҳшат бўрон йиғлаши.  
Қоровул чўқинди-ю ўчирди чироқ.  
Угай ўғли Федяни олиб ёнита  
Эшикка қўйди икки зўр харсанг шу чоқ.

— Нега? Нечун? —«Айиқлар тегди жонимга». Сўнгра қуп-қуруқ ерга чўзилди келиб, Чўкди сукутга бутун қоровулхона. Кунжакдаги чиптага мен ҳам чўзилиб Ўйлаб кетдим, ўйладим. Гёё афсона... Шодлик, нурга кўмилуб ўтди хәёллар, Ўтди байрам кунлари мисли бир китоб, Ранго-ранг гул, чироғдан чароғон заллар, Ҳадялар... Соғлиқ учун ичилган шароб... Жўшқин сўзлар ва ширин эркалик бари На қадар ажиб эди, на қадар азиз! Нечун Сергей йўқ бунда? Сергейим қани? Эсладим-у қолгани унут бўлди тез.

Дераза тақиллатди совқотган ямшчик,  
Сачраб турдим. Ўрмонли мажруҳ қоровул  
Тонг билан бизни йўлга олиб чиқди тик.  
Аммо берган пулимни қилмади қабул.  
«Хожати йўқ, жигарим йўлингиз қийин,  
Тангри сизни сақласин ўз паноҳида!»  
Қақшатарди қаҳратон. Юрганинг сайин  
Ортар йўл мاشаққати, ортар ваҳима.  
Соябон аравамни беркитдим. Қуюқ  
Сим-сиёҳлик қиласири ғуссамни зиёд.

- ✓ Не қилай! Шеър ўқийман, айтаман қўшиқ,  
Эзмас ахир бу азоб, алам умрбод!
- ✓ Майли кўнглим йиғласин, ўқирсин шамол,  
Қор бўрони яширсин йўлларим менинг.  
Фақат олға, мен олға юраман ҳамон!  
Уч ҳафталиқ йўл босдим шундай бетиним...

Пайқаб қолиб бир куни шовқун-суронни,  
Хиёл очиб чиптани ташладим назар:  
Йўлимда катта қишлоқ... Тутиб осмонни  
Ловуллаб ёниб турар кўркам гулханлар.  
Қарасанг кўз қамашар, эркак ва аёл

- ✓ Деҳқонлар-у солдатлар санқишар бунда.  
Илқиларнинг уири кезар бемалол.  
Ямшчик деди: «Худди шу станцияда  
Кумушчилар ўтади. Кўрамиз биз ҳам.  
✓ Узоқ эмас, шу ердан ўтади карвон».

- Сибирь ўз бойлигини кўрмоқда баҳам!  
 Бу учрашув дилимни қилди кўп шодон.
- ✓ «Кумушчилар келгунча кетмайман, шояд.  
 Эрим ва дўстларимдан тополсам дарак.  
 Нерчинскдан... Үнда бор офицер албат...»  
 Ошхонада ўтириб кутмагим керак...  
 Офицер йигит кирди папирос чекиб,
- ✓ Назар ташлаб мен томон иргамади бош.  
 ✓ Мағрур нигоҳ, такаббур юрди гердайиб,  
 ✓ Гапирадим томоғим бўғар эди ёш:  
 «Қўргандирсиз... Декабрь воқиасининг  
 Қурбонларин қисмати сизгадир аён?  
 Омонмилар, ҳоллари нечук уларнинг,  
 Айтарсиз эрим ҳақда хушхабар бирон?..»  
 Сурбетларча ўгрилди у мен томонга,  
 Башараси даҳшатли, совуқ, дарғазаб,  
 Ҳалқа-ҳалқа тутунни пуфлаб осмонга  
 Деди: «Соғлар, шубҳасиз, аммо уларни
- ✓ Мен билмайман. Билишга эҳтиёж ҳам йўқ.  
 ✓ Озмунча кўрмадимми бу сургунларни!..»
- ✓ Болажонлар! Бағримга теккан каби ўқ —  
 Жимиб қолдим. Дилемни ранжитди бадбаҳт!  
 Нафрат билан мен боқдим. У чиқди мағрур...  
 Печь ёнида исиниб ўлтирган солдат  
 Қарғаганим эшилди. Совуқ бир ғурур  
 Еки ваҳший бир кулги эмас, мулойим  
 Қалбида сўз тополди майнин, меҳрибон:  
 «Барчаси соғ!» деди у,— «мен ўзим кўрдим  
 Благодат конида ишлашар омон!.»  
 Сурбет қаҳрамон яна кирганди мағрур,  
 Соябон аравамга жўнадим дарҳол.  
 Раҳмат сенга, эй солдат, минг-минг ташаккур,  
 Тортган оғу-азобим кетмади увол!

Тонгда оппоқ саҳрого тўйиб боқаман,  
 Қулоғимга жаранглаб келар қўнғироқ.  
 Ғарид кичик черковга кириб бораман,  
 Худогўй оломонга сингаман шу чоқ.  
 Эътиқод-ла тингладим поп ибодатин,  
 Менга дуо ўқишин қилдим илтижо.  
 Ҳар ёқ сокин, оломон кетмас, тинглар жим...  
 Мени қайғу ва алам қилади адo!

Худо, нечун бизларга бу қадар озор?  
Нечун бунча кўмилдик лаънат таҳқирга?  
Кўпдан бери тўпланган кўз ёш шашқатор  
✓ Тўкилди дарё каби оппоқ тош ерга!  
Гўё халқ ҳасратимни кўргандай баҳам  
Сукут ичра қиласарди тоат-ибодат.  
Попнинг мунгли товушида жаранглар алам,  
Қувғинларга худодан тиларди мадад...  
Саҳро ичра йўқолган ғариб эй маъбад!  
Сенда кўз ёш тўкишдан ҳеч қилмадим ор.  
Дуогўй, ғамзадалар бўларкан ҳамдард,  
Улик дилга заррача бермади озор!..

Бизга дуо ўқиган Иоанн ҳазрат,  
Ибодатини жон дилдан этарди адо.  
Сўнг қамоқда поп бўлиб қилганди хизмат,  
Туғишгандай меҳрибон эдик биз ҳатто.

Тун. Йўлимиз қиялик тоғ эди баланд,  
Ямшчик отлар тизгинин ололмай тутиб  
Олтой тоғнинг энг юксак чўққиларидан  
Соябон арава-ла йиқилдим учиб!

Трубецкая Иркутскда тортган азоби  
Тақрорланди шу таҳлит менинг бошимда.  
✓ Байқал. Қечув! Совуқнинг қутирган тоби  
Муз жилваси ўйнайди оққан ёшимда.  
Чана юрар йўл энди бўлганди адо,  
Соябон аравамдан айрилмоқ маҳол.  
Оҳ, нақадар ачиндим! Мен унда танҳо  
Инғлар эдим, ўйлардим, сурардим хаёл!  
✓ Йўлнинг қорсизи фақат арава экан,  
Арава хаёлимни аввал банд қилди.  
✓ Лекин кўп ўтмасданоқ бўлиб чалажон,  
Унинг лаззат, ҳузури роса билинди.  
Очликни ҳам танидим шу йўлда бироқ,  
Бироқ ҳеч ким қилмабди мени хабардор.  
Беҳуда иш, бу ердан овқат изламоқ,  
Ёлғиз Бурат почтаси бунда барқарор.  
Қоқ қиласаркан офтобда сўқим гўштини,  
✓ Тош ной дамлаб устига қуярканлар мой.  
О, худо кўрсатмасин сизларга уни!

- Урганмаган одамга қийин ҳойнаҳой.  
 Нерчинский ёнида бўлди зўр базм,  
 Уни мешдай савдогар мен-чун қурибди.  
 Иркутскда кўрибди мени ва шу зум  
 ✓ Орқамдан тушибди-да етиб келибди.  
 ✓ Мўл, тўкин базм қурди, раҳмат, ташаккур!  
 Ҳоммоми соз! Чучвара бўпти бамаза!  
 Қатта уйда, дивонда жон топиб ҳузур,  
 ✓ Бутун базм ўлиқдай ухлабман тоза.
- ✓ Билмайман олда мени кутарди не фол,  
 Тонг отиш-ла йўл олдим Нерчинск томон.  
 «Трубецкая келмоқда!» — ишонмоқ маҳол —  
 «Етиб олдим Қатяжон, етдим мен омон!»  
 ✓ Улар Благодатда, деди йиғлаб зор,  
 Қучоғига ташландим, йиғлайман фақат.  
 Үн икки чақиримда Сергей, азиз ёр,  
 ✓ Енимда менинг Катям, қандай буюк баҳт!

#### *VI боб*

- Ким бўрон-у ҳасрат-у қайфуга ҳамроҳ,  
 Йироқ йўлнинг фироқин кечирса танҳо,  
 Саҳро узра кутмаган дўсти бандогоҳ  
 Кўз олдида офтобдай бўлганда пайдо  
 Бизнинг тоза дилларнинг шодлигин англар...  
 «Оҳ, чарчадим, ҳоридим, Маша, йўқ мажол!» —  
 «Йиғлама шўрлик Қатя, бизларни сақлар  
 Дўстли-гу, ёшлигимиз балодан омон!  
 Бир қисмат иккимизни боғлади маҳкам,  
 ✓ Иккимизни алдади бешафқат тақдир.  
 Бахтимни ютиб кетган даҳшатли оқим  
 ✓ Сенинг толингни ҳам ғарқ қилди ахир.  
 Худди яшил чаманда сайр этган мисол,  
 Оғир йўлга кирамиз иккимиз ҳамдам.  
 Барчасига берамиз бардош бемалол,  
 Суяшиб бир-биришимиз, бўламиш бардам.  
 Нимадан маҳрум бўлдик, азизим сўзла,  
 Шуҳратпарст, манманлик ўйинчоими?  
 Эзгуликнинг муҳташам йўли бор олдда --  
 Тангри танлаган ўша азизлар роҳи.  
 ✓ Таҳқирланган жафокаш эrimiz тоғиб,

Дилларига бўламиз малҳам, тасалло.  
Илтижо-ла жаллодлар дилин юмшатиб,  
Азобига тоқат-ла бўламиз даво.  
Мудҳиш тюрьма ичида бўлувчи ҳалок  
У азиз хасталарга шифо излаймиз.  
Тинчимаймиз, тинмаймиз, мусаффо ва пок  
Севгимиз қасамини адо этмай биз.  
Майли, бўлсин жонимиз, бутун боримиз  
Севганимиз ва тангри йўлига қурбон.  
Ишончим зўр, худо бор мададкоримиз,  
Мушкул йўлни ўтамиз саломат-омон!..»

- Табиат ўз жангидан кетгандай ҳолдан  
Жимиди. Соф очиқ қун совуқ ва сокин.  
Нерчинск бўсағасин қоплаган қордан  
Чанада учиб кетдик мисоли чақин.  
Рус ямшчик сўзлар эди сургунлар ҳақда:  
(Барчасини танийди, ҳатто номба-ном)  
«Конга олиб борардим мана шу отда,  
Лекин ўзга арава қўшардим тамом.  
✓ Тюлмасди йўл, чоғи, унча ҳам оғир,  
Кулишарди ўзаро ҳазил қилишиб.  
Мен онам қилиб берган ватрушкаларин  
Ноништага емасдан бердим улашиб.  
«Ол, йигит, бир кунингта яраб қолар, ол!—  
✓ Дея узатишди пул, олмадим зинҳор...»

Қишлоққа учиб кириб мисоли шамол,  
Сўради: «Қайдা тўхтай, жаноб хонимлар?»  
«Сен тўғри авахтанинг бошлиғига юр!»  
«Эй дўстларим, бўш келманг бўлинг сержуръат!»

- Бошлиқ семиздан желган, жиддий ва мағрур  
Одам эди, сўради: «Хўш, қандай хизмат?»  
«Қўлланмани ўқишиб Иркутсқда  
Нерчинска йўллашга бергандилар сўз?..»  
«Қолиб кетгандир йўлда, бўтам, бир ерда!»  
«Бир нусхаси ўзимда, мана кўринг сиз!..»  
— «Нусха эмиш, у паққос қўлга туширап!»  
«Мана подшоҳимнинг рухсати жаноб!»  
Французча билмасди, бу тентак ўжар  
✓ Ишонмади.— Кулардик, чекардик азоб.

«Мана подшо имзоси, кўринг: Николай»,  
Имзо нима? У билан қандай иши бор?  
Ҳозир Нерчинскийдан қоғоз ҳойнаҳоӣ,  
Бориб олиб келмаклик бўлади даркор.

Аммо ўзи боришин қилди у баён,  
Эрта билан бу ерда бўлармиш қоғоз.

✓ «Бу аниқми — Чин сўзим, қилманглар тумон,  
Сиз ётиб дам олсангиз бўларди кўп соз?..»

Эртамизнинг орзуси ёнаркан дилда  
Етиб бордик бир кичик деҳқон уйига.  
Слюдадан ойнаси, мўрисиз қулба,

✓ Аранг сиғдик, хонанинг эну бўйига.  
Эшикка тегар оёқ, деворга бошим,  
Зотан не ҳам сиғарди у чоқ кўнгилга,  
Бу тахлит икир-чикир әлитмас ҳушим.

✓ Не кунларни солмади фироқ бошларга.  
Биз биргамиз! Писандмас мушкуллик, қайгу,  
Барисини енглишга қодирман бу кун!

Барвақт турдим, Катяни босганди уйқу,  
Хуноблиқдан қишлоқни кеэдим бус-бутун:  
Юзга яқин хонадон жар кучоғидан  
Боқар бизнинг кулбадек ғариб, беҳашам.  
Панжарали ғишит уйни кўрдим бир ёқдан  
Соқчилар айғогида сақланур маҳкам.  
«Шу ерда эмасмикан жинояткорлар?»  
«Шунда эди, кетишид!»— «Қаёққа?— «Ишга!»  
Мени бошлаб кетишиди дарҳол болалар,  
Биз чопамиз, оҳ юрак интиқ етишга!  
Эримни тезроқ кўрмоқ муқаддас истак.

✓ У узоқмас, у юриб ўтган шу жойдан.  
— «Кўрасизми уларни?» сўрайман бирдақ,  
«Ҳа, кўрамиз!— қўшиқни боплашар обдан.  
Ана эшик, кўрдингми?— энди биз кетдик.  
Хайр!..» дея жўнашди ёш ҳамроҳларим.

Қарайман, ер остига очилган эшик,  
Соқчиси туарар эди жиддият-ла жим.

✓ Жиддий туарар... Қўлида яланғоч қилич.  
Үйламант, олтин қилди мушкулим осон.  
✓ Болажонлар! Олтин-зар суюмади ҳеч,

Гарчанд олтин тўқмакни қилдим мен баён!  
Балки қиссам давоми сизни этар жазм,  
Сўз қушлари кўксимда учишга тайёр,  
Сўзларман. Аввал айтай ташаккурларим,  
Сизга, рус кишилари, минг қуллук изҳор!  
Мен қаерда бўлмайин йўлда, қувғинда,  
Сургуналар уқубатин кечирган вақтим,  
Оғир чидамсиз дардга бардош берганда  
Сен ўзинг далда бўлдинг жонажон ҳалқим!  
Қанча ҳасрат, ғам, қайғу тушди бошингта,  
Ўзгалар аламига бўлдинг сен шерик.  
Кўз ёшим тўқилажак пок тупроғингга  
Аллақачон тўқилган ёшларинг сенинг.  
Бахтсизларга орқа пушт, рус ҳалқим сенсан,  
Иккимизни бир азоб айлади ҳамдард.  
Юртимда дегандилар: «Сизга сургунда  
Ҳатто қонун ўзи ҳам қилмайди шафқат!»  
Ҳаётнинг оғир, мушкул босқичида ҳам  
Пок меҳрибон дилларни учратдим ҳар он.  
Ҳатто жинояткорлар бу ерда ҳар дам  
Ўзича ҳурматини қилолди баён.  
Мен ва содиқ Қатяни ҳар жой, ҳар ерда  
Қаршилашди самимий табассум билан.  
«Сиз бизнинг фариштамиз!» дея сафарда  
Қўллаб-қўлтиқлардилар жон билан дилдан.  
Тамғаланган бадарга неча бор ахир,  
Картошка олиб келди менга яширин:  
«Совимасин енг, қўрдан чиқардим ҳозир»  
Нақадар тотли эди, нақадар ширин.  
Ҳозир эслаганда ҳам бўламан тамом,  
Томоғимга тиқилар алам ва ҳасрат.  
Миннатдор юрагимдан йўллайман салом,  
Сизга, сизга қашшоқлар ҳурматим беҳад!  
Раҳмат, ўз меҳнатларин аямай зарра,  
Оғир кунда бўлдилар бизларга дармон.  
Ҳалқ ичидан ҳеч кимса оғу ва заҳар  
Ошимизга солмади, йўқ-йўқ ҳеч қачон!

Кўз ёшимдан соқчи ҳам чекилди нари,  
Тангрига топингандай унга топиндим.  
Менга лутф-карам билан тутган фонари  
Зиёсида ертўла томон отилдим.

Тушаман ҳамон қуий, тушаман ҳамон,  
Қоп-қоронғу йўлакдан бораман зийрак.  
Зиналардан тушаман сим-сиёҳ ҳар ён,  
Бораман, нафасимни бўғар дим йўлак.  
Бир томонни қоплаган тўр каби мағор,  
Бир ёқдан сув жилдираб оқади пастга.  
Шарпа сезиб қоламан, кондаги девор  
Нуромоқда, қарайман тушган кесакка.  
Ўпирилган деворларни учратдим бесон,  
Ҳар бири мудҳиш йўлга очади эшик.  
Оёғим ерга тегмай чопаман чаққон,

- ✓ Ваҳима, даҳшат унут, чопаман тетик.  
Кимдир қичқирди бирдан: «Қайга, қаёқقا,  
Ахир! Халокат сари борасиз наҳот?  
Аёлларга рухсат йўқ, хоним, у ёққа,  
Қайтинг дарҳол, кутасиз шу ерда фақат!»  
Шўрим қурсин, навбатчи келди эҳтимол,  
(Кўрсангиз шўрли соқчи қўрқиб кетганин!)  
Бақирап даҳшат солиб серзарда қўпол.  
Тез одимлар шарпаси дам сайин яқин.  
Нима қилсам? Ўчирдим машъални чаққон,  
Қоронғулик қўйнида чопдим сар-сари.  
Ярлақаса худойим асрайди омон,  
Йиқилмай қолганимга ҳайронман ҳали.  
Қандай қолди у ерда бошим саломат,  
Тақдир ўзи сақлади офатдан холи.  
Қўрқинч ғор, чуқурлардан соғ, бежароҳат  
Олиб чиқди бир тангirim ва баланд толе.  
Қўп ўтмади қаршимда нур бўлди пайдо,  
Гўё чарақлаб кетди нурафшон юлдуз...  
«Чироф» дея қичқирдим тақдирдан ризо,  
Шодлик қуши сингари отилди шу сўз.  
Пўстинимни ирғитиб, югурдим нурга,  
Жонимни сақлаб қолди парвардигорим.  
Балчиққа ботиб қолган от қуруқ йўлга  
Худди шундай отилар, жон болажоним...

- ✓ Нур кўринди! Еришиб борар тобора,  
Кўзларимга ташланди баландлик бир ер:  
Қандайдир майдон... Унда қандайдир соя...  
Ҳаф!.. Ана болға товуши! Бунда иш қизир —  
Ҳаракат... Одамлар... Оҳ, пайқаса шояд,

Қиёфалар кўринар дам сайин равшан...  
Ана, балки кўрдилар мени ниҳоят,  
Яқин-яқин чарақлар чироқлар ҳамон.  
«Само фариштасими?— Қичқирди дарҳол  
Шу ерда турғанлардан бири ҳайратда:  
«Қаранг, ахир қаранглар! — Бир дўзах мисол  
Шахтадамиз! Биз ахир эмас жаннатда!»—  
Дея бошқаси кулиб келди қирғоққа,  
Бир нафасда тутдилар чуқур лабини.  
Шошқин чопиб бораман мен ҳам шу ёққа.

✓ Ажабланиб шодлик-ла кутарлар мени.

«Волконская!» кимдир бақирди. Шу дам  
Трубецкой овозин танидим! Нарвон —  
Туширдилар, мен ўқдай отилиб чиқдим.  
Ҳамма таниш, ё раббий, ҳамма қадрдон:  
Сергей Трубецкой, Артомон Муравьев,  
Борисовлар ва князь Оболенский бор\*.  
Самимий олқиши ёғди жасоратимга,

✓ Ҳамма шодлик севғисин қиласи изҳор.  
Мен мақтовга кўмилдим. Мехрибон, ҳамдарл  
Юзларини юварди кўздан оққан ёш...

«Қани Сергей?» «Айтгали кетишди. Фақат  
Бахтдан юрак ёрilmай қilsa бас, бардош!

✓ Ҳар кун аҳвол шу бўлур: ҳа, ҳар биримиз  
Уч нуддан Россияга йўллаймиз маъдан.

✓ Кўрдингиз, меҳнат бизни қилмади ҳалок!..  
Чин сўз, қувноқликлари қиласи ҳайрон.

Ҳазил қилишар, аммо шодликларида

✓ Қайғунинг достонини ўқирдим равшан.  
(Мудҳиш янгилик эди оёқларида  
Мен илкбор кўрганим бу қўйма кишан.)  
Дилдори Катясидан сўйлаб хушхабар  
Трубецкой кўнглига бердим тасалло.  
Бахтимга, она юргдан келтирган хатлар  
Ёнимда экан. Этиб бурчимни адo  
Салом билан топширдим эгаларига.  
Бўлар эди офицер қуйида хуноб:  
«Нарвонни қабул қилган ким ўзи? Нега.

\* Артомон Захарович Муравьев (1794—1881), Андрей Иванович  
Борисовлар (1798—1854) ё Петр Иванович (1800—1854). Евгений  
Петрович Оболенский (1796—1865)—декабристлар.

- ✓ Назоратчи ишидан кетади жўнаб?  
 Сизга айтаман, сизга, хоним афанди,  
 Йиқиласиз!.. Эй тушур нарвонни! Шайтон,  
 ✓ Тез-тез (ҳеч ким қўймасди унга нарвонни)...  
 «Йиқиласиз, йиқилиб ўлмак ҳам осон!  
 Марҳамат қилиб тушинг тез, не гап ёзи?»  
 Бизчи ҳамон кетамиз ундан узоққа,  
 Тюрьма жаҳолатининг барча фарзанди  
 Муъжизадан ҳайратда оқар шу ёққа.  
 Шулар менга йўл очиб бордилар олдда  
 Уз замбилин қиласиди ҳар бири таклиф.
- ✓ Ўнқир-чўнқир тепалик ва бутун жойда  
 Ётар кон меҳнатининг қуроли тўлиб.  
 ✓ Кишанлар жарангида иш борар қизғин,  
 Тубсизлик меҳнатига қўшиқдир ҳамдард.  
 Коннинг метин кўксига урилар ҳорғин  
 Кончилар қўлидаги чўкич, белкурак.  
 Юк билан якка чўпдан махбус келаркан  
 Беихтиёр қичқирдим: «Бўлинг эҳтиёт!»  
 ✓ Миналар ўрнатишар ерга янгидан,  
 ✓ Тепада, ҳавозада ишлар бесаноқ  
 Одамлар... Оҳ бу меҳнат қандайин мушкул,  
 Нақадар зўр мардлик бу!.. Тураг ярқираб  
 Кондан қазиб олинган маъданлар мўл-кўл.  
 Товланар ваъда қилиб хирожин сероб...  
 Бирдан кимдир қичқирди: «Келаётir у!»  
 Атрофда олазарак кезар нигоҳим  
 Илгарига отилдим, орада зовур  
 Ётар эди... Минг шукур йиқилмай қолдим.  
 «Оҳиста, оҳистароқ юрингиз! Наҳот,  
 Минг-минг чақирим йўл босиб етиб манзилг  
 Шу чуқурта йиқилиб бўласиз ҳалок?  
 Уз жағомиз етмасми, бу ҳам бор бизга?  
 Трубецкой тутган эди қўлимдан маҳкам —  
 Йиқилсангиз не қиласиди ё раббий?»  
 Сергей ошиқар, аммо юролмас илдам,  
 Кишани шақирларди мунгли ва ғамли.  
 Занжир! Үнумтапти ҳеч нарсани жаллод,  
 Разил, қўрқоқ, қасоскор, ситамгар, жоҳил.  
 Юмшоқ кўнгиллик қилмиш гўё у безод  
 Боғлаб оёқларига занжир, кишан зил.

Сергей келар, ишчилар, соқчилар бари  
Сукут ичра четланиб беришарди йўл.  
Кўрган замон мен томон ёзиб қўлларин:  
«Маша!»— дея қичқириб интиларди ул.  
Мадори қуригандай тўхтади бежон,  
Суяди икки маҳбус уни шу муддат.  
Оқарган юзларини ёш ювар чандон,  
Узатилган кўллари титрарди фақат...

Меҳрибоң, азиз овоз менга бир онда  
Гўё бахш этди ҳаёт, янги жон, умид.  
Бахш этди шодлик, орзу музлаган қонга,  
Қайфу, отам дўқлари бўлганди унут.  
Қўлларимни қутқариб дўстнинг қўлидан  
Чопардим: «Боряпман» дея қичқириб,

✓ Утиб чуқур устига тушган тахтадан  
Шу азиз товуш сари шошдим югуриб:  
«Боряпман!» Товланар таниш табассум,  
Жафо, ҳасрат, уқубат сарғайтган юздан.  
Олдига чолиб бордим соғинган дилим  
Муқаддас тоза туйғу тўлдирди бирдан.  
Ўзимни кўрарканман шу мудҳиш конда,  
Даҳшатли товушларни эшигтан маҳал,  
Эримни кўрарканман темир кишанда,  
Жафо-аламларини англадим тугал.

У кўп жафолар чекди, дард тортди жасур,  
Бош эгип ҳузурига келиб тиз чўкдим.  
Лекин уни бағримга босишдан аввал,

Темир кишанларини кўзимга суртдим!

✓ Кўнгандай келиб сукут париси худди  
Гинди ер ости конда бутун ҳаракат,

| Тинди гап-сўз ва тинди меҳнат гумбири,

✓ Тинмас, тинмас шашқатор кўз ёшлар фақат.

Ҳамма таниш, бегона кўзларида ёш,  
Ҳамма ҳаяжон ичра жиддий ва рангсиз

Туарди айланамда. Кайфимга йўлдош —

Титроқ оёқларида кишан жарангсиз;

Ҳавога кўтарилган болға ҳам қотган,

На қўшиқ янграр, на сўз ҳар ёқда жимлик.

Гўё ҳар ким учрашув руҳига ботган —

Ғам-ҳасрат-у шодликка бўлганди шерик.

Муқаддас эди жимлик, муқаддас ғоят,

Чуқур қайғу ва ҳасрат бор эди унда.  
Үйлар, фикрлар юксак эди ниҳоят.  
Бир ажойиб тантана ётарди унда.  
«Қайға ғойиб бўлдингиз! Қайға кетдингиз?»  
Қуидан эшигилди дарғазаб овоз.  
Назоратчи кўринди: «Энди кетингиз,  
Атай яшириниб турдим». — Кўзларида ёш.  
«Кетинг энди, вақт етди койишар, хоним,  
Бошлиқларнинг ҳаммаси шундай бешафқат! »  
Болажонлар, мен гўё жаннатда эдим,  
Яна дўзахга тушдим, дўзахга фақат.  
Пастда ҳаяжон ичра кутган офицер  
Фазаб-ла русчасига қилди ҳақорат.  
Баландда эрим туриб французча дер:  
«Маша, кўришажакмиз қамоқда албат!».



## МУНДАРИЖА

КНЯГИНИЯ ТРУБЕЦКАЯ . . . . .	3
КНЯГИНИЯ М. Н. ВОЛКОНСКАЯ. . . . .	29

*На узбекском языке*

*Николай Алексеевич Некрасов*

## РУССКИЕ ЖЕНЩИНЫ

Госиздат УзССР —1956 — Ташкент

Редактор Шукрулло

Техн. редактор П. Уманский

Рассом С. Марфин

Корректор М. Мирзоидов

Теришга берилди 12/Х-1956. Босишига рухсат этилди. 6 XII 1956. Формат 84×108/3<sub>5</sub>.  
2,125 босма л. 3,49 шартли босма л. Нашр. л. 3,5. Тиражи 10000. Индекс н/а.  
Ўзбекистон ССР Давлат Нашриёти. Тошкент. Полиграф к. 74.  
Шартнома № 413—53.

ЎзССР Маданият министрилиги Ўзглавиздатининг 1-босмахонаси. Тошкент.  
Ҳамза к. 33. Заказ № 858 Баҳоси 2 с. 55 т.